

Aoristi infinitivus Homericus ad verba dicendi et sentiendi relatus num futurum tempus significare possit.

scr.

S. J. CAVALIER.

Ante hos octo annos *de temporum infinitivi usu Homeric* libellum edidi, in quo quum breviter docuissem, quid inter infinitivos præsentis et aoristi illis locis, ubi aoristi infinitivus præteritum tempus non indicaret, usus et significationis esset discrimen, de temporibus infinitivi post dicendi et sentiendi verba copiosius exponens ante omnia operam dedi, ut eam quæstionem dijudicarem, possetne aoristi infinitivus apud Homerum ad hæc verba relatus futuri temporis *habere* significationem. In hac autem commentationis meæ parte id mihi vel maxime propositum fuit, ut hanc futuri temporis significationem aoristi infinitivo Homeric, quantum maxime possem, abjudicarem, quum docerem aliis locis aoristi infinitivum non recte de tempore futuro interpretatos esse viros doctos, aliis facillima unius literæ mutatione aoristi infinitivum in futurum emendari posse, nonnumquam verbum illud, ad quod referretur aoristi infinitivus, non verum sentiendi aut dicendi esse verbum defenderem. Qua in re pertractanda auctorem potissimum secutus sum Madvigium, qui et in libro suo de syntaxi Græca ¹, quando aoristi infinitivus futurum tempus indicare posset, breviter docuit et duobus præterea locis ² de tota hac quæstione tam docte, tam copiose, tam clare

¹ *Græsk Ordf.* § 172 Anm. 1.

² *Bemerkungen über einige Punkte der Griechischen Wortfügungslehre: III. Ueber die bedeutung des aorists im infinitiv mit einer anmerkung über das participium des aorists.* pp. 29—46. — *Adversaria. Critica ad scriptores Græcos et Latinos.* Vol. I. Lib. I. Cap. IV. *Probabilitatis critica in rebus grammaticis æstimandæ leges explicantur et certo exemplorum genere declarantur*, pp. 155—182.

exposuit, ut mihi quidem hæc legenti dubitari vix posse videretur, quin quisquis expositionem Madvigii diligentius perlegisset, facile sibi persuasurus esset omnia cum recte docuisse. Quæ opinio me valde fefellit. Nam quamquam negari non potest viros doctos, qui in carminibus Homericis explicandis et interpretandis his proximis annis versati sunt, ad hanc ipsam quæstionem animos diligentius attendisse, tamen de hac re inter viros doctissimos nondum convenit. NAUCKIUS quidem in editione Homerica¹ multos aoristos in futura mutavit; præterea C. G. COBETUS², qui etiam antea³ huic quæstioni operam dederat, et S. A. NABER⁴ eos aoristos, qui facili mutatione in futura redigi possunt, emendaverunt, quamquam hi duo nonnumquam tales formas mutaverunt, quas mutari neque necesse esset neque oporteret. Contra plurimi, credo, editores hos aoristos retinendos esse censent, et vir de interpretatione Homeri meritissimus C. HENTZIUS in commentariis hunc aoristi usum compluribus locis defendere conatus est⁵. Quod autem quærit Madvigius ad finem perducta hac quæstione, *'satisne multa* (verba de re parva nec nova fecerit) *ad expellendum veterem errorem et ad ignaviam quærendi, levitatem fingendi ex hoc saltem loco fugandam*⁶, nisi fallor, et ii, qui Madvigii sententiam amplexi sunt, pluribus etiam verbis opus esse satis cognoverunt ad aoristos illos de futuro tempore usurpatos e contextu Homérico removendos, neque ii, qui aoristos illos futurum tempus significantes tuentur, ignaviæ aut levitatis crimen facile agnoscent.

Quum ad studia Homerica retenta animo remissa temporibus non ita pridem me retulissem atque ea, quæ recentissimis temporibus de significatione temporum infinitivi statuerunt viri docti, perquirere coepissem, magna cum delectatione percepi me non frustra in hac re tempus et operam consumpsisse commentationemque meam anno 1873 editam vel in recentissimis commentariis et lexicis Homericis non raro commemorari vel a viro de interpretatione carminum Homericorum optime merito C. CAPELLIO dignam existimatam esse, de

¹ *Homerica Carmina* ed. Augustus Nauck. Vol. I. *Ilias* Pars I. Berolini 1877. Pars II. 1879. Vol. II. *Odyssea* Pars I. 1874. Pars II. 1874.

² *Miscellanea Critica*, Lugduni Batavorum 1876 pp. 328—330.

³ *Variae Lectiones*, 1854 pp. 98, 262, 269. — *Novæ Lectiones*, 1858, p. 164, 365 sq. 405.

⁴ *Quæstiones Homericae*, Amstelodami 1877 (Ed. Acad. Reg. disciplinarum Nederlandica) pp. 101—105.

⁵ Cfr. *Anhang zu Homers Ilias*, I. Heft. Leipzig 1877 pp. 179, 180 ad I' 28, *Anhang zu Homers Odyssea*, I. Heft. Leipzig 1879 pp. 63, 64 ad β 373; aliis quoque locis hæc res commemoratur.

⁶ *Adv. Crit.* I. p. 182.

qua in *Philologo*¹ copiosius exponeret. Qua in libelli mei expositione humanitatis benevolentiaeque plenissima quum dixisset vir doctissimus, quamquam omnino copia et diligentia scriptoris laudanda esset, tamen aoristi infinitivi post dicendi sentiendique verba de tempore futuro usum Homericum compluribus locis vel contextu verborum mutato vel interpretatione contorta nimis angustis circumscriptum esse terminis, locos illos Homericos, qui ad hanc quaestionem pertinerent, diligentius iterum inspicere constitui. Neque tamen mihi persuaderi potuit aoristi infinitivi de rebus futuris usum tam late patere, quam statuit Capellius potissimum post verba sentiendi; immo vero quamquam de nonnullis locis Homericis re diligentius considerata sententiam mutavi, tamen de universa hac quaestione Madvigium etiamnunc probo. Quae quum ita sint, non alienum mihi visum est totam hanc quaestionem de aoristi infinitivo apud Homerum futurum tempus indicante iterum pertractare, praesertim quum ii, qui proximis annis hac in re versati sunt, COBETUS, NABER, HENTZIUS, alii non omnes locos in unum contulerint sed tantum plures quosdam paucioresve attigerint.

Sed quamquam haec commentatio vel maxime in eo versabitur, ut dijudicetur, *possitne aoristi infinitivus apud Homerum ad dicendi sentiendique verba relatus futurum tempus significare*, tamen necessarium nobis visum est vel de singulorum infinitivi temporum vi et usu post verba dicendi et sentiendi nonnulla praemittere vel illis locis, ubi de verbis, post quae futuri infinitivi, ut ita dicam, legitimus est usus, agetur, omnes locos afferre, ubi haec verba apud Homerum cum infinitivo conjuncta occurrunt. Duae igitur erunt hujus commentationis partes; in una de temporum infinitivi significatione post dicendi et sentiendi verba pauca quaedam exponemus, in altera loci Homericum, ubi aoristi infinitivus futurum tempus significare visus est, afferentur et examinabuntur.

I.

Utrumque de origine ejus constructionis, quae *accusativus cum infinitivo* vocatur, judicamus, negari non potest infinitivos illos, qui in hac constructione post dicendi et sentiendi verba occurrunt, praedicto enuntiationis absolutae in

¹ *Philologus*. XXXVII Band, 1877 pp. 113—121 (in: *Die neueren arbeiten auf dem gebiete der Homerischen syntax*. Zweiter Artikel pp. 89—129).

indicativo (aut potentiali aut condicionali) ¹ posito omnino respondere, quum non solum id quod dixit sed etiam id quod sensit aliquis ad eandem prorsus formam, quā in dicendo aut sentiendo usus sit is, cujus verba aut cogitata referantur, revocari posse necesse sit. Qui infinitivi quam arto vinculo cum indicativo conjuncti sint nulla ex re clarius apparet quam ex eo, quod ea verba, quae in indicativo praesentis propriam quandam habent temporis significationem a ceteris verbis alienam, eandem temporis significationem in infinitivis ad verba non solum *dicendi* sed etiam *sentiendi* relatis retinent, quum hi infinitivi ad cetera verba relati nulla in re a ceteris infinitivis abhorreant. — Ut verba illa *οἶχομαι*, *ἵκω* (l. *ἵκω*). *ἰκάνω*, quae in indicativo praesentis praeteritum tempus indicant, post haec verba praeteriti temporis significationem retinent, velut *δ* 639 *οὐ γὰρ ἔφαιτο* | *ἐς Πύλον οἶχεσθαι Νηλῆιον* (non credebant eum abisse), *ν* 325 *οὐ γὰρ ὁίω* | *ἵκειν* (l. *ἵκειν*) *εἰς Ἰθάκην* (non puto me venisse) *δ* 139 *οὔτινες οἶδε* | *ἀνδρῶν εὐχετόωνται ἱκανέμεν ἡμέτερον δῶ*. — Eodem modo post *μέλλω*, quod in praesenti ad verba sentiendi prope accedit, inf. *ἀκούειν* *Ξ* 125 et *δ* 94 *τὰ δὲ μέλλει ἀκούειν* (hoc credibile l. verisimile est vos audisse l. nosse; ἀκούω enim idem est, quod *audiri* l. *novi*). — Atque etiam verba illa *εἶμι* et *νέομαι*, quae in indicativo futurum tempus significant, in infinitivo post dicendi et sentiendi verba semper fere de futuro tempore usurpantur. Ut occurrit *ἔναι* (*ἵμεν*, *ἵμεναι* comp.) post *γημί* *Υ* 365 *γάτο δ' ἵμεναι ἔντ' Ἀχιλλῆος* (*se iturum*), *ο* 214 *οἶδέ ἔ γημι* | *ἔψ ἔναι κερῶν*, post *οἶω* (*οἶομαι*) *Ξ* 457 *καί μιν οἶω* | *αὐτῷ σκηπτόμενον κατέμιν δόμον Ἄιδος εἶσω*, *P* 710; *Υ* 142, post *εἶδομαι* *Θ* 283 *εἶδ' ἵμεν ἐς Ἀἴαντον* (simulavit se iturum) (post *ἔλπομαι* *K* 356? vide infra). — *νέεσθαι* (*ἀπορέεσθαι*) post *γημί* *β* 238 *τὸν δ' οὐκέτι γασὶ νέεσθαι* *λ* 176 ³, *ω* 460, *Ξ* 221, *Υ* 212; post *οἶομαι* l. *οἶω* *M* 73 *οὐκέτι ἔπειτ' οἶω*

¹ De potentiali et condicionali minus necesse est hoc loco agere, quoniam apud Homerum infinitivi his modis respondentes numquam fere occurrunt.

² Hoc Capellius (l. l. pp. 114, 115) ad dicendi tantum verba non ad sentiendi pertinere statuit; quod autem dicit aoristi infinitivum ad verba dicendi relatum eam ob rem, quod in oratione obliqua occurrat, aoristi indicativo respondere, id omnino eodem jure ad sentiendi verba referri potest. Praeterea nihil esse, cur inter dicendi et sentiendi verba hoc loco distinguamus, ex eo vel maxime elucet, quod in verbo apud Homerum usitatissimo *γάται* l. *γάσθαι* altera significatio cum altera adeo conjuncta est, ut hanc an illam habeat, non semper pro certo dijudicari possit. — Excipienda tamen sunt certa quaedam sentiendi verba, *δοξεῖν* et similia, quorum post tempora praeterita aoristi infinitivus sine praeteriti temporis significatione nonnumquam occurrit. De quibus verbis postea nonnihil commemorabitur.

³ De *χ* 35, ubi Madvigius *οἶσαδε νεῖσθαι* legendum censet, Naber et Nauckius *ἀπορέεσθαι*, vide infra.

οὐδ' ἄγγελον ἀπονέεσθαι, σ 260; post ἔολπα T 330; post ἐπισχνέομαι (et κατανεύω) B 113, E 716. — At post verba, quæ numquam fere cum futuri infinitivo conjunguntur, hi infinitivi millies fere occurrunt, ut βῆ ἔναι, ὀτρυνέοντα νέεσθαι, βούλομαι ἤδη νεῖσθαι.

Quum autem indicativus enuntiationis absolutæ non solum *genus temporis* — hoc enim nomine illud, quod Curtius *die Zeitart* appellat, significari posse videtur — quod stirpibus vel thematis præsentis, perfecti, aoristi exprimitur, indicet, sed etiam *spatium* vel *momentum temporis*, id quod Curtius '*die Zeitstufe*' vocat, hoc utrumque infinitivum indicare posse oportet, quamquam in infinitivo momentum temporis non ad tempus loquentis sed ad tempus verbi regentis refertur. Attamen quum neque in Latina neque in Græca lingua totidem inveniantur infinitivi, quot tempora sunt indicativi, apparet utramque rem in infinitivo non tam perspicue quam in verbo finito indicativo significari posse sed quosdam infinitivos duobus pluribusve indicativis respondere. Qua in re alia est linguæ Latinæ, alia Græcæ ratio. Nam in Latina quidem lingua, ubi themata præsentis et perfecti in illis enuntiationibus pendentibus, quæ infinitivo utuntur, nihil fere aliud spectant, nisi ut inter ea, quæ ad tempus enuntiationis regentis, et ea, quæ ad tempus antecedens pertinent, distinguant, omnia, quæ in recta oratione indicativo temporis præteriti (imperfecto, perfecto utroque, plusquamperfecto) exprimuntur, in obliqua oratione perfecti infinitivo significantur. Contra in lingua Græca, ubi themata præsentis, perfecti, aoristi certa quædam temporis genera indicant, numquam fere licet ex uno themate in alterum transire, sed infinitivi præsentis, perfecti, aoristi indicativis actionis imperfectæ (aut *perdurantis*), perfectæ, ingredientis respondeant necesse est. Unde factum est, ut, quum non satis respiceretur, quænam inter infinitivum et verbum, ad quod referretur, esset temporis ratio, præsentis infinitivus et *præsentis* et *imperfecti* indicativo responderet, itemque perfecti infinitivus et pro *perfecti* et pro *plusquamperfecti* indicativo usurparetur. Ut apud Homerum θ 516 ἄλλον δ' ἄλλῃ ἄειδε πόλιν κεραῖζεμεν αἰπὴν | αὐτὰρ Ὀδυσσεῖα — βήμεναι (α: ἐκεράζειν — ἔβη); et præterea εἶναι l. ἔμμεναι (= ὅτι ἦν) occurrit E 639 ἀλλ' οἷόν τινα φασὶ βίην Ἥρακλειτῆν | εἶναι et θ 181 ἀλλ' ἐν πρῶτοισιν ὁίω | ἔμμεναι ὅγρ' ἦβῃ τε πεποίθεα χερσὶ τ' ἐμῇσι. Perfecti infinitivus, quamquam in præsentis significatione, plusquamperfecto (imperfecto) respondens occurrit Ω. 546 τῶν σε γέρον πλούτῳ τε καὶ νιάσι φασὶ κεκίεσθαι.

De futuro tempore breviter commemorandum est, ut indicativus futuri et imperfectum et ingrediens temporis genus significare possit, ita infinitivum utrum-

que genus indicare posse. Ceterum futuri infinitivus ad dicendi et sentiendi verba totus fere pertinet, præterquam quod ad verbum μέλλω persæpe et ad nonnulla verba ejusdem fere significationis, quæ proprie verba sentiendi fuisse videntur, (μέμνα, μέμνονα, sim.) non ita raro occurrit.

Jam ut ad aoristi infinitivum nos transferamus, illud primum monendum est, ut in indicativo aoristus usurpetur ad res præteritas indicandas nulla neque diuturnitatis aut iterationis neque actionis perfectæ ratione habita, quæ res imperfecto et plusquamperfecto significantur, ita infinitivo aoristi post dicendi sentiendique verba, hoc idem ut significaret, universe propositum esse, hanc autem præteriti temporis significationem, quæ in ipsa infinitivi forma, augmento non instructa, quod unum in lingua Græca ad præteritum tempus indicandum valet, non inveniatur, totam ex eo repetendam esse, quod infinitivus ille indicativo respondeat. Neque enim L. MEYERO assentiri possumus statuenti præteriti temporis significationem inde profectam esse, quod aoristi infinitivus *præsentis* (= *actionis perdurantis*) significatione careret¹, quum satis constet præteriti significationem etiam in infinitivis præsentis (imperfecto respondentibus) persæpe occurrere neque in illis tantum præsentis infinitivis, quos (ut εἶναι) Meyer in aoristos refert, sed etiam in ceteris; ut apud Homerum κραῖζέμεν occurrit § 516, ex scriptoribus Atticis sexcenta exempla proferri possunt. Illud etiam addendum videtur, quum aoristi indicativus præteritum tempus *semper* indicet neque ulla occurrat indicativi forma actionis ingredientis, quæ præsentis actionis imperfectæ et perfectæ (= præsentis et perfecti) respondeat, infinitivum quoque aoristi post hæc verba *semper fere* usurpari de iis, quæ actioni verbi illius dicendi aut sentiendi, a quo pendet, antecedant, neque pro præsentis actionis ingredientis poni

¹ *Griechische Aoriste, Ein Beitrag zur Geschichte des Tempus- und Modusgebrauchs im Griechischen*, Berlin 1879, p. 80 ὁ μὲν εὔχετο πάντ' ἀποδοῦναι, 'der eine versicherte alles bezahlt zu haben; er betheuerte die Zahlung' Ilias 18, 499, welche Stelle nicht etwa die Bedeutung der Vergangenheit ('bezahlt haben') für den Aoristinfinitiv (-δοῦναι) erweist, da solche Bedeutung vielmehr einzig durch die von εὔχετο 'er versicherte' (im Gegensatz dazu liegt Ilias 2, 401 εὐχόμενος θάνατόν τε φυγεῖν 'fliehend dem Tode zu entgehen' bei der anders gebrauchten Bedeutung von εὔχεσθαι der Inhalt des Aoristinfinitivs φυγεῖν in der Zukunft) in Verbindung mit der *nicht präsentischen* Bedeutung des aoristischen Infinitivs entsprang. — p. 85 ἀλλὰ τιν' ὑμῖν δῶν δοῦμεναι θεόν, 'ich glaube dass sie euch ein Gott gegeben hat' Ilias 10, 551, wo die Bedeutung des Präteritums ('gegeben hat') sich wieder nur durch die nicht-präsentische ('dauernd geben') Bedeutung der Aoristform herausstellt.

posse. Gnomicum autem illum, qui vocatur, aoristum non facile transire posse in infinitivum ex ipsa re satis apparet ¹.

Hoc loco non alienum nobis visum est, quo clarius appareat apud Homerum quoque ut de rebus futuris futuri, ita de rebus præteritis aoristi infinitivum usurpari, omnes eos locos Homericos in unum conferre, ubi post dicendi et sentiendi verba *φημι*, *οἶμαι*, alia infinitivi et aoristi et futuri occurrunt. Signo (*) eos locos notamus, de quibus dubitaverunt viri docti ob eamque rem postea mentio fiet. Inter eos infinitivos, qui post *φημι* et *οἶμαι* occurrunt, primum (a) eos afferemus, ad quos accusativus subjecti loco appositus est, deinde (b) eos, ubi vel subjectum, quod aut ex antecedentibus aut ex perpetuitate orationis facile auditur, omissum est vel infinitivus verbi impersonalis occurrit, tum (c) eos, ubi subjectum infinitivi, propterea quod idem est atque verbi regentis, omittitur.

Post *φημι* (*φάσθαι*, *φάσκειν*) igitur occurrit:

1. Infinitivus aoristi:

a) B 350 *φημι γὰρ οὖν κατανεῦσαι ὑπερμενέα Κρονίωνα*, Γ 393 *οὐδέ κε φαίης | ἄνδρῳ μαχησάμενον τὸν γ' ἐλθεῖν*, Z 98, 109, P 28* *εὐφροῆναι*, 174, Φ 160; — α 220 *τοῦ μ' ἐκ φασὶ γενέσθαι*, β 171* *καὶ γὰρ κείνῳ φημι τελευτηθῆναι ἅπαντα*, γ 85, 125 *οὐδέ κε φαίης | ἄνδρα νεώτερον ὧδε εἰκότα μυνθήσασθαι*, 188, 245, δ 201, 387, θ 565* *ἀγάσασθαι*, ι 504, ν 173* (= θ 565), ξ 117, 327, π 143 (bis), 144, σ 128, 342*, τ 296.

b) Δ 375 *περὶ δ' ἄλλων φασὶ γενέσθαι* (sc. Τυδεία), Ω 608 *φη δοιῶ τέκειν* (sc. Αἰγιώ), θ 520 (subj. Ὀδυσσεά), χ 32 (subj. Ὀδυσσεά).

c) A 398 *ἔφησθα κελαινεφέι Κρονίωνι | οἷον ἐν ἀθανάτοισι ἀεικέα λοιγὸν ἀμύναι*, Z 185, 206, 285 *φαίην κε φρέν' ἀτέρπου διζύος ἐκλελαθέσθαι*, Θ 239, Υ 187, — δ 141 *οὐ γὰρ πῶ τινα φημι εἰκότα ὧδε ἰδέσθαι*, 504*, η 239, ι 496* *ὀλέσθαι*, λ 306, μ 390, ξ 322 (bis), 382, π 63, ρ 115, 142, τ 380, χ 314 (bis).

Aoristi infinitivus cum ἄν ad significationem futuri infinitivi prope accedens occurrit I 684 *καὶ δ' ἄν τοῖς ἄλλοισιν ἔφη παραμυθήσασθαι* optativo cum ἄν I 417 *καὶ δ' ἄν τοῖς ἄλλοισιν ἐγὼ παραμυθησαίμην* respondens.

2. Infinitivus futuri:

a) E 104 *οὐδέ ἔ φημι | δῆθ' ἀνσχίσεσθαι κρατερὸν βέλος*, 120, 190, 653, Z 502, H 118, K (51), 331, 371, A 444, 590, M 126 (bis), 166, N 100,

¹ Cfr. Madvig. Adv. Crit. I. p. 171 — — quos (= gnomicos aoristos) vellem dixisset (Hermannus) ubi infinitivo modo repperisset; tota enim hæc forma narrationem rei tamquam factæ pro sententia generali substituens rectæ orationis propria est.

416, Ξ 265 ἀρηξέμεν (v. l. ἀρηγέμεν), 375, Θ 98, Σ 133, Υ 263, Φ 278, 316, Ψ 580, 668; — δ 494 οὐδέ σε φημι / δὴν ἄκλαντον ἔσεσθαι ἐπὶ πάντα πύθῃαι, ϵ 302, ζ 257, ι 511, κ 285, 331, ν 132, ξ 150, 176, σ 146, ψ 72, 284.

Observandum est Υ 361 οὐ μέ τί φημι μεθυσέμεν οὐδ' ἡβαιόν, ubi expositum est subjectum infinitivi, quamquam idem est, quod verbi finiti.

Præterea post εἶπον Σ 11 μήτηρ — μοι εἶπε / Μυρμιδόνων τὸν ἄριστον ἐτι ζώοντιος ἐμεῖο / χερσὶν ὑπο Τρώων λείψειν φάος ἡέλοιο.

b) E 654 σοὶ δ' ἐγὼ ἐνθάδε φημι — — ἐμῷ δ' ὑπὸ δουρὶ δαμέντα / εὖ-
χος ἐμοὶ δώσειν ψυχὴν δ' Ἄϊδι κλυτοπόλῳ (= A 445). — I . 235 οὐδ' ἐτι φασὶ
/ σχήσεσθ' ἀλλ' ἐν νηυσὶ μελαίνῃσιν πεσέεσθαι (= M 107 = P 639, subjectum
infinitivorum omnibus his locis videtur esse ἡμᾶς). — α 168 εἶπερ τις ἐπιχθο-
νίων ἀνθρώπων / φησὶν ἐλεύσεσθαι (subj. Ὀδυσσεά), β 176 (subj. Ὀδυσσεά), δ 664
(subj. ὁδόν = π 347), θ 569 (bis, subj. Ποσειδῶνα = ν 177), ι 512 (subj. ἐμέ),
 ξ 384 (subj. Ὀδυσσεά).

c) B 37 φῆ γὰρ ὁ γ' αἰρήσειν Πριάμον πόλιν ἤματι κείνῳ E 190, 473,
 H 393, Θ 499, N 89, 786 οὐδέ τί φημι / ἀλκῆς δειήσεσθαι ¹, Θ 252, 700 (bis),
 Π 62, 830 κεραῖζέμεν ², 832, Σ 326, T 298 (bis), 299, X 332. — δ 171
καὶ μιν ἔφην ἐλθόντα φιλησέμεν ἔξοχον ἄλλων, ϵ 136, 290, [η 257], λ 432,
 ν 212, 357, ξ 481, π 24, ρ 42, σ 132, φ 104, ψ (128) 336, ω 470*.

Post οἶομαι (οἶω, οἶομαι, οἶω) occurrit:

1. Infinitivus aoristi semper accusativo exposito: A 558 τῇ σ' οἶω κα-
τανεῦσαι εἰήτῳμον, K 551, Ξ 455, Ψ 467 (bis). — α 173 οὐ μὲν γὰρ τί σε
πεζὸν οἶομαι ἐνθάδ' ἰκέσθαι (fere = ξ 190 = π 59 = π 224); γ 28 οὐ γὰρ
οἶω / οὐ σε θεῶν ἀέκητι γενέσθαι τε τραφέμεν τε, τ 569 ἐμοὶ οὐκ ἐντεῦθεν
οἶομαι αἰνὸν ὄνειρον / ἐλθέμεν.

2. Infinitivus futuri:

a) A 60 νῦν ἄμμε πάλιν πλαγχθέντας οἶω / ἄψ ἀπονοστήσειν, 204, 289,
427, E 252, 285, 288*, 351, 644, 646, Z 353, I 315, 655, K 106, A 609,
764, N 747, Θ 299, P 503, T 64, 72, Υ 363, Φ 399, 533, Ψ 310, Ω 355,
728. — β 198* οὐ γὰρ πρὶν παύσεσθαι οἶομαι νῆας Ἀχαιῶν, γ 226, ι 214,
 ν 6, 395, π 311, 373, 377, ρ 7, 461, σ 23, 149 (διακρινέεσθαι), ν 180
(διακρινέεσθαι), φ 92 (ἐντανύεσθαι, quod tamen fortasse potius præsens putan-

¹ Ebelingius (Lex. Hom. φημί) statuit hoc loco subjectum verbi δειήσεσθαι esse ἡμᾶς.

² Lectionem codicum κεραῖζέμεν in κεραῖξέμεν emendavit Bekker eumque non sine causa secuti sunt Kochius, Nauckius, alii.

dum est), 261, 322, χ 14 (subj. μούνον), 67, 215 (τελέεσθαι, quod etiam praesens esse potest).

b) M 66 στεῖνος γάρ, ὅθι τρώσεσθαι ὀίω (sc. ἱππέας), 217 (ἐκτελέεσθαι), O 292 (ἔσσεσθαι), Y 195 (σε ῥύεσθαι an σ' ἐρύεσθαι?). — α 201 ὥς τελέεσθαι ὀίω (= ο 173), ζ 174 (subj. κακόν), λ 102 (subj. σέ), μ 212 (subj. ἡμᾶς).

c) A 78 ἧ γάρ ὀίομαι ἄνδρα χολωσέμεν, 171 οὐδέ σ' ὀίω ἐνθάδ' αἴμιος ἐὼν ἄφενος καὶ πλοῦτιον ἀφύξειν (gedenke, bin willens), 296, A 12, Z 341, O 728, Φ 93. — θ 203 τάχα δ' ὕστερον ἄλλον / ἦσιν ἢ τοσσούτιον ὀίομαι ἢ ἔτι μᾶσσον, τ 215 (gedenke), 581, υ 21, φ 79 (= τ 581).

Præterea hoc loco hæc verba afferenda sunt:

δοκέω (δοκεῖ) cum infinitivo futuri: H 192 ἐπεὶ δοκέω νικησέμεν Ἑκτορα δῖον, Z 339 δοκέει δέ μοι ὦδε καὶ αὐτῷ / λώιον ἔσσεσθαι, I 626 οὐ γάρ δοκέει μύθοιο τελευτῇ / τῇδ' γ' ὀδῷ κρανέεσθαι.

εὐχομαι in significatione gloriandi, confirmandi, prædicandi cum aoristi infinitivo occurrit: Θ 254, 255 ἐνθ' οὗ τις πρότερος Δαναῶν πολλῶν περ ἐόντων / εὐξάτο Τυδείδαο πάρος σχέμεν ὠκέας ἵππους / τάφρου τ' ἐξελάσαι καὶ ἐναντίβιον μαχέσασθαι, K 368 ἐπευξάμενος βαλέειν, Ξ 485 τῷ καὶ κέ τις εὐχεται ἀνὴρ / γνωτὸν ἐν μεγάροισιν ἄρῃς ἀλκιῆρα λιπέσθαι(?), Σ 499 ὁ μὲν εὐχετο πάντ' ἀποδοῦναι, Φ 501 εὐχεσθαι ἐμὲ νικῆσαι, λ 261 Διὸς εὐχεῖ ἐν ἀγκοίνῃσιν ἰαῦσαι. Post εὐχετάομαι aoristi infinitivus occurrit μ 99 παρφυγέειν. — Loci, ubi εὐχομαι in promittendi significatione cum futuri infinitivo conjungitur, postea (II. B.) afferentur.

αὐδάω cum infinitivo aoristi K 48 οὐ γάρ πω ἰδόμεν οὐδ' ἐκλόν αὐδήσαντος / ἄνδρ' εἶνα τοσσάδε μέμερ' ἐπ' ἡμαί μητίσασθαι.

αἰδίδω cum infinitivo aoristi θ 518 — αἰδε — Ὀδυσσῆα προῦ δώματα Διὸς βοῖο / βήμεναι.

Hic etiam commemorandi sunt ii loci, ubi post præsens tempus verbi μέλλω infinitivi aoristi et futuri occurrunt; nam post hoc tempus verbi μέλλω, quod ad significationem verbi sentiendi (= significationem passivam verbi δοκεῖν = *videri*, verisimile, credibile esse) proxime accedit, infinitivi aoristi et futuri eadem prorsus temporis significatione, atque post φημι et οἶομαι, utuntur¹. Aoristi infinitivus occurrit N 776 ἄλλοτε δὴ ποτε μᾶλλον ἐρωῆσαι πολέμοιο / μέλλω,

¹ Post μέλλω etiam præsens infinitivus imperfecto respondens occurrit χ 322 εἰ μὲν δὴ μετὰ τοῖσι θνητοῖς εὐχεῖσθαι εἶναι / πολλὰκι πον μέλλεις ἀρήμεναι ἐν μεγάροισιν / τηλοῦ ἐμοὶ νόστοιο τέλος γλυκεροῖο γενέσθαι.

δ 378 ἀλλά νυ μέλλω | ἀθανάτους ἀλιτέσθαι, ν 134 τοῦ δ' ἤδη μέλλουσι χύνεσ
 ιαχέες τ' οἰωνοί | ῥιπὸν ἀπ' ὀσιόφιν ἐρύσαι. Neque vero quidquam impedire
 videtur; quominus statuamus aoristi infinitivum præteritum significare his locis
 Σ 362 καὶ μὲν δὴ πού τις μέλλει βροτὸς ἀνδρὶ τελέσσαι et Ω 46 μέλλει μὲν
 πού τις καὶ φίλιερον ἄλλον ὀλέσσαι, quamquam his infinitivis interpretes vulgo
 præsentis significationem addunt. — *Futuri infinitivus* occurrit Ψ 544 μέλλεις
 γὰρ ἀφαιρήσεσθαι ἄεθλον: præmium mihi videris erepturus esse.

Qui autem post *sperandi, promittendi, minandi, jurandi* verba et locutiones
 occurrunt infinitivi aoristi et futuri, in illis, quæ sequuntur II. B., cuncti affe-
 rentur.

At quod dicitur nihil sine exceptione valere, id etiam ad aoristi infinitivi
 significationem post dicendi et sentiendi verba pertinet. Fit enim nonnumquam
 — eodem modo, quo aoristi participium ad indicativum aoristi aut ad præsens
 historicum relatum amissa illa antecedentis actionis significatione idem tempus,
 quod verbum finitum, indicat¹ — ut infinitivus aoristi ad tempus præteritum
 relatus non ea, quæ actioni verbi finiti antecedunt, significet sed rem quandam
 præteritam ad idem tempus, quod exprimit verbum finitum, relatum indicet².
 Neque tamen, quantum vidi, hic aoristi infinitivi usus occurrit nisi post verba
 quædam sentiendi *δοκεῖν* et similia, quæ passivæ significationi verbi *videndi*
 respondent; et quidem sæpissime invenitur post verbum *δοκεῖν* illis locis, ubi de
 somniis, visis, portentis mentio fit, quibus locis satis perspicitur utramque actio-
 nem ad idem tempus pertinere et nonnumquam actio infinitivi ipsa per se vix
 cogitari possit, ut *Plat. Crit.* 44 ἐδόκει τις γυνὴ — καλέσαι με (*me vocare vi-*
debatur) καὶ εἰπεῖν, *Xen. Anab.* III. 1. 11 ἐδοξεν αὐτῷ βροπιῆς γενομένης
 σκηπιδὸς πεσεῖν εἰς τὴν πατρίαν οἰκταν, apud Herodotum etiam post *δοκεῖν* in
 activa significatione (*somniare, somno videre*) ut VII. 12 ἐδόκει δὲ Ξέρξης ἀνδρα
 οἱ ἐπισιάντα — εἰπεῖν. Quamquam etiam aliis locis post *δοκεῖν* aor. inf. ita
 usurpari testimonio est *Xen. Anab.* I. 6. 5 Κλέαρχος καὶ αὐτῷ καὶ τοῖς ἄλλοις
 ἐδόκει προτιμηθῆναι μάλιστα τῶν Ἑλλήνων (ῥ: primum inter Græcos locum
tenere — videbatur). Apud Homerum unum tantum ejusmodi exemplum vidi, post
εἶδομαι I 645 πάντα τί μοι κατὰ θυμὸν εἴσω μνησθήσασθαι (*dicere visus es*).

¹ Cfr. MADVIG., Bemerkungen p. 45.

² Cfr. CHR. CAVALLIN, *Grekisk Syntax* § 231 et commentationem meam: *De Xenophonteo
 Temporum et Modorum usu* et c. P. I p. 35, not. (in 'Actis Universitatis Lundensis' Tom. XVI.).

II.

Sed jam ad eam ipsam quæstionem transgrediendum est, quam nobis hoc tempore tractandam suscepimus, possitne aoristi infinitivus ad dicendi et sentiendi verba relatus abjecta præteriti temporis significatione, quæ post hæc verba ei propria est, in significationem prorsus contrariam abiens futurum tempus significare. Quorum infinitivorum numerus quamquam proximis temporibus multo minor factus est, quum vel diligentius inspectis libris manuscriptis futurum legendum esse cognitum sit, vel contra auctoritatem librorum aoristi in futura a viris in his rebus clarissimis, Madvigio, Cobeto, aliis mutati sint, vel intellectum sit aoristos quosdam de futuro tempore explicatos re vera præteritum tempus indicare, tamen ut apud ceteros scriptores Græcos ita apud Homerum complures etiamnunc restant, nonnulli haud scio an semper mansuri sint. Hic aoristi infinitivi usus quam late pateat apud Homerum, in hac altera hujus commentationis parte dijudicare conabimur, in qua primum de aoristi infinitivis post dicendi et sentiendi verba, quæ ipsa temporis futuri non habent significationem (*φημι, οἶομαι*, similia), mentionem faciemus, tum de illis, qui post verba *sperandi* et *expectandi*, *promittendi* et *minandi*, *jurandi* occurrunt.

A.

Quisquis syntaxis linguæ Græcæ non omnino rudis erit, ei haud dubie prorsus incredibile videbitur in hac lingua formis adeo abundante fieri potuisse, ut eadem forma post idem verbum in eadem significatione positum res tam contrarias, quam sunt tempus præteritum et futurum, indicaret, ita ut *φημι (οἶομαι) ποιῆσαι* et *dico (puto) me fecisse* et *dico (puto) me facturum esse* significaret, præsertim quum infinitivi aoristi et futuri non raro eodem loco ita sibi opponantur, ut ille præteritum, hic futurum respiciat tempus. Neque enim hic duplex aoristi infinitivi usus comparari potest aut cum duplici usu aoristi infinitivi post verbum *δοκεῖν*: *ἔδοξε ποιῆσαι*, id quod et *fecisse videbatur* et *facere placebat* significare potest, propterea quod *δοκεῖν* uno loco verbum sentiendi est, altero verbum voluntatis, aut cum aoristi optativi duplici significatione in interrogatione obliqua: *οὐκ ἤδει τί ποιήσειεν*, *nesciebat, quid fecisset* et *nesciebat, quid faceret*, quum verbum utriusque interrogationis rectæ *τί ἐποίησα* (l. -ας); et *τί ποιήσω*; (aor. conj.) in optativum transire possit. Nam *φημι ποιῆσαι* = *dico me fecisse* ad *ἐποίησα* orationis rectæ respondet; contra *φημι ποιῆσαι* = *dico me facturum esse* nihil habet, ad quod in recta oratione respondeat, quum ad futuri indicati-

vum (ποιήσω) futuri infinitivus (ποιήσῃν), ad aoristi optativum cum ἄν (ποιήσαιμι ἄν) aoristi infinitivus cum ἄν (ποιήσαι ἄν) referatur. Et quum in recta oratione futurum tempus exprimi non possit nisi aut magis certo et fidenter indicativo futuri aut dubitantius et modestius aoristi (l. præsentis) optativo cum ἄν juncto, satis sane erit in obliqua oratione duobus modis idem exprimere potuisse, præsertim quum in obliqua oratione, ut supra vidimus, duas verbi orationis rectæ formas eadem verbi forma indicare non raro necesse sit. Quod autem docet KRÜGER¹ infinitivum sine ἄν tum potissimum usurpari, ubi aliquid certo eventurum esse significetur, equidem haud scio an nihil ad hanc fiduciam indicandam plus valeat quam ipsum tempus futurum, quod eam tantum ob causam in aoristi optativum (vel infinitivum) cum ἄν junctum mutatur, ut res quasi modestius et dubitantius exprimatur. Præterea si post quodlibet dicendi et sentiendi verbum aoristi infinitivus de futuro tempore usurpari posset, quo modo intelligere possemus, quando præteritum, quando futurum respiceretur tempus? Quæ quum ita sint, aoristi infinitivi, qui post verba φημί, οἶμαι similia occurrunt, numquam, opinor, nisi summa necessitate cogente, de futuro tempore interpretandi sunt, neque causa esse videtur, cur illis locis, ubi futurum levi mutatione restitui possit, contextum librorum mutare dubitemus.

1. In locis Homericis tractandis primos illos afferemus, ubi aut accusativus quidam subjecti loco ad infinitivum appositus est, aut saltem aliud infinitivi subjectum est, aliud verbi finiti.

a) Et primum quidem nonnulli loci afferantur, ubi aoristi infinitivum de futuro usurpari non recte existimaverint viri docti aut sine causa in futurum mutare voluerint.

β 171 καὶ γὰρ κελὼ φημι τελευτηθῆναι ἅπαντα / ὥς οἱ ἐμυθεόμην editores, quos adii, τελευτηθῆναι de præterito tempore recte interpretantur, sed grammatici de aoristo futurum tempus significante aut de omissa particula ἄν vulgo mentionem faciunt². Neque tamen dubitari posse videtur, quin aoristus

¹ Gr. Gr. § 53: 6. Anm. 9. Contra Löfstedtius (Gr. Gr. § 77 V. not. 4) docet Homerum de iis, quæ modestius affirmantur, ut in recta oratione optativum part. ἄν modo posita modo omissa usurpat, ita in obliqua oratione infinitivum vel cum ἄν vel sine ἄν adhibere. Sed omnino illis locis, ubi de rebus futuris aor. inf. apud Homerum usurpatus videtur, res quædam potius certo eventura dicitur quam fieri posse modeste affirmatur, neque credibile est Homerum, qui uno tantum loco (I 684) aor. infinitivum cum ἄν optativo cum ἄν respondentem usurpaverit, aor. inf. sine ἄν, ita ut optativo illi Homérico potentiali sine ἄν responderet, sæpius adhibuisse.

² Cfr. Krüg. Dial. § 53: 6. Anm. 4. Kühner § 389. Anm. 8. Löfstedt § 77. V. not. 4.

hoc loco de præterito tempore usurpatus sit ¹. Animadvertendum enim est vatem divino furore afflatum de rebus futuris, quasi jam fierent aut factæ essent, per totum hunc locum mentionem facere, ut v. 165 occurrit *ἐγγὺς ἔων τοιοῦτοσσι φόνον καὶ κῆρα φρεσὶν* et v. 176 *τὰ δὲ δὴ νῦν πάντα τελεῖται*, quamquam sane eo die, quo vates hæc locutus est, Ulixes etiam tunc apud Calypsonem versabatur et demum post XXXV diem domum rediit. Si de rebus futuris ageretur, nihil impedivisset, quominus Homerus *τελευτήσεσθαι* scriberet. Ceterum observandum est non dici *ἅπαντα* ἀ sed *ὡς*: nam dico ei quoque omnia ita cessisse, ut prædixerim, major autem pars eorum, quæ prædixerat, jam ad finem perducta erat.

P 28 legitur οὐδέ ἔφημι πόδεσσιν γε οἷσι κίοντα | εὐφροῖναι ἄλοχόν τε φίλην κεδνοῦς τε τοκῆας, quem locum, quantum vidi, editores silentio præterierunt. Hentzius tamen ² *εὐφροῖναι* de tempore futuro interpretari videtur. Quum autem Hyperenor, Panthoi filius, quem E 517—20 a Menelao interfici narratum est, jam e pugna excesserit et v. 25 præteritum *ἣς ἤβης ἀπόνητο* occurrat, nulla causa esse videtur, cur *εὐφροῖναι* de tempore futuro (pro *εὐφρανέειν*, quod æque bene adhiberi poterat, cfr. E 688) usurpatum existimemus.

σ 342 legitur *φάν γάρ μιν ἀληθέα μυσήσασθαι*. Aoristi infinitivum hoc quoque loco de futuro interpretatos esse nonnullos testis est Madvigius ³. Interpretatio autem Fæsi: *er würde aus der Drohung Ernst machen* ex his verbis elici poterit, etiamsi *μυσήσασθαι* de præterito interpretabimur: *credebant eum vere* (l. serio) *locutum esse*.

θ 564—66 legitur *πατρὸς ἐγὼν εἰπόντιος ἄκουσα Νανσιθόου δὲ ἔφασκε Ποσειδάων' ἀγάσασθαι | ἡμῖν, οὐνεκα πομποὶ ἀπήμονές εἰμεν ἀπάντων* et v 172—74 *ἣ μάλ' αὖ δὴ με παλαιφάτα θέσφαθ' ἰκάνει | πατρὸς ἐμοῦ* sequentibus prorsus iisdem verbis, quæ supra allata sunt. Ameisius hoc loco recte, ut mihi videtur, *ἀγάσασθαι* de præterito interpretatur ⁴. Contra Cobetus et Naber ⁵ *ἀγάσασθαι* in *ἀγάσεσθαι* mutandum censent eam, credo, ob rem, quod θ 569 (= v 177) futuri infinitivi *ῥαισέμεναι* et *ἀμφικαλύψειν* de tempore futuro leguntur. Quum

¹ Cfr. Madvigii Adv. Crit. I. p. 169. Bemerkungen p. 42.

² Commentar ad Γ 28.

³ Græsk Ordf., Fortale p. VII.

⁴ Cfr. Commentar θ 564 *wäre in Eifersucht gerathen* und in Folge davon für die Zukunft der drohende Ausspruch.

⁵ Cob. Misc. Crit. p. 329 tantum de v 173; Naber Quæst. Hom. p. 103 de utroque loco. Ad v 173 adscriptum est *διὰ τοῦ Σ ἀγάσασθαι* verba Didymi, quæ Porsonus in *διὰ τοῦ Ε ἀγάσεσθαι* mutavit.

tamen ea res, cujus ira incensus esse aut fore Neptunus dicitur, οὖνεκα πομποὶ ἀπήμονές εἰμεν ἀπάντων ad præsens atque haud dubie ad præteritum quoque tempus pertineat — nam e vocabulo ἀπάντων satis apparet his locis non tantum de ira Neptuni ob reditum Ulixis agi — nihil impedire videtur, quominus statuamus Neptunum jam tum, quum hæc loquebatur. pater Alcinoi, in Phæaces incitatum fuisse, quamquam posteriore demum ætate iram in eos effudit; 9 567—569 (= ν 175—77) φῆ ποτὲ ¹ Φαίηκων ἀνδρῶν εὐεργέα νῆα / ἐκ πομπῆς ἀνιοῦσαν ἐν ἡεροειδέι πόντῳ / ῥαισέμεναι μέγα δ' ἡμῖν ὄρος πόλει ἀμφικαλύψειν.

b) Venio nunc ad locum, ubi verbum illud, ad quod refertur infinitivus aoristi, utrum existimandi (putandi) an jubendi (censendi) haberet significationem, dubitaverunt viri docti: Γ 98 φρονέω δὲ διακρινθήμεναι ἤδη / Ἀργεῖους καὶ Τρῶας ἐπεὶ μάλα πολλὰ πέποσθε / εἵνεκ' ἐμῆς ἔριδος καὶ Ἀλεξάνδρου ἔνεκ' ἀρχῆς. Editores et lexicographi ² verbo φρονεῖν hoc loco significationem existimandi l. opinandi addentes aoristi infinitivum statuunt usurpatum esse de eo, quod tam certo expectetur, ut jam pæne factum existimari possit. Madvigius contra statuit verbum φρονεῖν jubendi vel censendi ³ significationem habere, et quidem optimo jure, si consideraveris vv. 21—94 narrari Alexandrum, cui Hector timidum et ignavum animum objecerat, concedentem se jure ac merito reprehensum esse promisisse se pugna singulari cum Menelao congressurum; quo promisso lætum Hectorem ante aciem Trojanorum processisse atque promissum Alexandri Menelao Græcisque proposuisse. Tum Menelaus petit, ut se, ad quem

¹ Ameis. Comment. ad h. l.: ποτὲ orthotoniert, weil es den von φῆ abhängigen Satz beginnt. Si ἀγάσασθαι quoque ad futurum tempus pertineret, melius ad antecedens ἀγάσσεσθαι quam ad subsequens ῥαισέμεναι relata esset particula ποτέ.

² Hentze: ich halte dafür, dass friedlich aus einander gehen. Der Infinitiv des Aorists wie 28. La Roche: Der Infinitiv Aor. bezeichnet das sicher erwartete Eintreten der Handlung. Seileri (Capellii) Wörterb. φρονέω 2 b. denken, eine Meinung haben, meinen — — φρονέω διακρινθήμεναι κ. τ. λ. ich denke dass nunmehr (friedlich) auseinander gehen die A. u. Tr. — Ebeling: hunc locum refert ad φρονέω 4 b. cogito, opinor.

³ Madv. Adv. Crit. I. p. 169 hunc locum ad eos refert, ubi gravi interpretandi errore aoristum de futuro acceperint editores. 'A pluribus', inquit, 'intellectum est Menelaum non prædicere, separatim iri Achæos et Trojanos, sed jubere et censere, in qua sententia rectissime dicitur φρονέω διακρινθήμεναι'. — Etiam si I 608 ad significationem 2 b. in lexico Capellii referas φρονέω τετιμῆσθαι Διὸς αἴσῃ ich denke geehrt zu sein, schon Ehre genug zu haben, necesse videtur significationem 2 c. gedenken, gesonnen sein, streben, wollen, wünschen statuere ad P 286 φρόνεον δὲ μάλιστα / ἄστυ πότι σφέτερον ἐρύειν καὶ κῦδος ἀρῆσθαι. Cfr. Ebeling φρονέω 4 a. mihi in animo est, propositum est, quamquam etiam hunc locum refert ad 4 b. cogito, opinor.

major pars injuriæ venerit, audiant Græci et Trojani; 'censeo' inquit 'separari jam Græcos et Trojanos, quum satis multa passi sitis propter meas cum Alexandro inimicitias'. Hoc autem *censeo separari* quis non videt idem esse quod: *conditionem accipio*; quum enim Hector condicionem Alexandri proposuisset, nihil aliud exspectabatur, nisi ut diceret Menelaus, utrum condicionem acciperet an repudiaret. Sin autem hoc loco in verbo *φρονεῖν* inesset putandi vel opinandi significatio, necesse fuisset addi aliquod vocabulum *ἡδέως, ἀσμένως, ἀσπαστως*: *credo vos libenter separatum iri* optime dicere potuit Menelaus; *opinor vos jam separatum iri* nullo vocabulo adjecto vix dicere poterat is, cujus in ipsius arbitrio res posita erat.

Hic etiam commemorandus est locus ille N 666—68, ubi de Euchenore, filio Polyidi, qui εὔ εἰδὼς κῆρ' ὀλοήν in bellum se contulit, hæc dicuntur: *πολλάκι γάρ οἱ ἔειπε γέρον ἀγαθὸς Πολύιδος / νοῦσάω ὑπ' ἀργαλέῃ φθίσθαι οἷς ἐν με- γάροισιν / ἢ μεί' Ἀχαιῶν νηυσὶν ὑπὸ Τρώεσσι δαμῆναι*, quo loco nullus quidem accusativus occurrit sed subjectum infinitivorum dativo illo οἱ indicatur. Hoc uno loco aoristi infinitivi de rebus futuris usus forsitan vel maxime probari cui-piam videatur; nam et verbum illud *ἔειπε* verum videtur esse dicendi verbum neque jubendi habere significationem et infinitivi illi *φθίσθαι, δαμῆναι* futurum tempus aperte indicant neque facile in futura mutari possunt. Madvigius ¹ hunc aoristi infinitivi usum inde explicandum censet, quod verbum vaticinandi *χοῖν*, quod et significationem *præcipiendi, quid fiat*, et *prædicendi, quid futurum sit*, in prædictionibus deorum et oraculorum habeat, nonnumquam etiam in prædictionibus, quid futurum sit, cum aoristi infinitivo jungatur, propterea quod significet *fato constituere, ut aliquid fiat*. Hunc aoristi infinitivi usum etiam post substantiva *χρησμός* et *λόγιον* occurrere docet atque saltem apud poetas ad alia quoque verba traductum esse. Ac quum nonnumquam factum sit, ut oraculum interrogatum, quid futurum esset aut quando, interroganti responderet, ut hoc vel illud faceret — velut Herodot. I: 55 Pythia narratur Croeso interroganti, *num diuturnum suum regnum futurum esset* (εἴ οἱ πολυχρόνιος ἔσται ἢ μοναρχίῃ) respondisse, ut, quum mulus rex Medorum factus esset, *fugeret neve maneret* (ἀλλ' ὅταν ἡμίονος βασιλεὺς Μήδοισι γένηται / καὶ τότε, Λυδὲ ποδαβρὲ, πολυψήφιδά παρ' Ἑρμῶν / φεύγειν μηδὲ μένειν μηδ' αἰδεῖσθαι κακὸς εἶναι) — fortasse etiam hoc loco cogitari potest Polyidum vatem filio interroganti respondisse, ut eligeret, utrum

¹ Adv. Crit. I pp. 176—77; cfr. commentationem nostram: De Futuro Herodoteo p. 34 (in Act. Univ. Lund. Tom. XIV).

morbo mori an in proelio cadere mallet. Certe in verbo *ἔειπε* hoc loco adeo inest futuri temporis significatio, ut vel idem esse quod *ἔφη θάσφατον εἶναι*¹ existimari possit vel infinitivi illi *φθίσθαι, δαμῆναι* in vim substantivorum (= *θάνατος, ὄλεθρος*) pæne abisse putari possint.

c) Jam eos locos afferamus, ubi post vera dicendi aut sentiendi verba accusativus cum infinitivo aoristi in libris manuscriptis vulgo legitur quique hanc ob causam emendandi nobis videntur. Et primum quidem commemorandum est *χ* 35 ubi in omnibus editionibus legitur *ὦ κύνες οὐ μ' ἔτ' ἐφάσχεθ' ὑπότροπον οἴκαδ' ἰκέσθαι*, sed in libris nonnullis est *οἴκαδε νεῖσθαι* et satis apparet explanationem *ἐλθεῖν ἐπανήξιν*, quæ in scholiis quibusdam occurrit, non ad *ἰκέσθαι*, verbum notissimum, sed ad *νεῖσθαι*, quod pro *νέεσθαι* raro usurpatur, pertinere. Quam ob rem Madvigius lectionem *οἴκαδε νεῖσθαι* accipiendam censet et haud dubie jure; nam et facillima mutatio est nec difficile explicatu, quum tot versus in *οἴκαδ' ἰκέσθαι* exeant², unde orta sit prava illa lectio, præsertim quum forma illa *νεῖσθαι* satis rara sit (occurrit tamen *ο* 88 *βούλομαι ἤδη νεῖσθαι*). Naber³ et Nauckius⁴ pro *οἴκαδ' ἰκέσθαι* legendum censent *ἀπονέεσθαι*, quæ mutatio et violentior est neque fundamento librorum nititur.

Etiam his duobus locis futurum legendum est: *β* 198 *οὐ γὰρ πρὶν παύσεσθαι ὀλομαι νῆας Ἀχαιῶν | μνηστῆρος ἀργαλέης* et *E* 288 *οὐ μὲν σφῶι γ' ὀλω | πρὶν γ' ἀποπαύσεσθαι πρὶν γ' ἢ ξιερὸν γε πεσόντα | αἵματος ἄσαι Ἄρηα*, quamquam illo loco vix unus liber futurum habet, hoc loco perpauca. Hentzius *β* 198 *παύσεσθαι* legit (Ed. 1879), *E* 288 *ἀποπαύσασθαι* (propter sequens *ἄσαι*). Ceteri omnes, quos adii, utroque loco futurum legunt.

2. Ex illis locis, ubi solus infinitivus aoristi occurrit, hi commemorandi sunt:

a) Primum manifestum est aoristi infinitivum de præterito interpretandum esse, quamquam a nonnullis de futuro acceptus est, *δ* 504 *φῆ δ' ἄεχμι θεῶν φυγέειν μέγα λαῖμα θαλάσσης*; nam apparet Ajacem filium Oilei, quum naufragus a Neptuno servatus esset, dixisse se immensum æquor effugisse non: effugiturum esse.

¹ *θάσφατόν ἐστι* cum aor. inf. occurrit *δ* 561—2 *σοὶ δ' οὐ θάσφατόν ἐστι, διοτρεφὲς ἄ Μενέλαε, Ἄργει ἐν ἱπποβότῳ θανέειν καὶ πότμον ἐπισπεῖν*, *κ* 473 *εἴ τοι θάσφατόν ἐστι σωθῆναι καὶ ἰκέσθαι οἶκον ἐς ὑπόροφον*.

² Cfr. *φ* 211 *εὐξαμένου ἐμὲ αἵτις ὑπότροπον οἴκαδ' ἰκέσθαι*.

³ l. l. p. 105.

⁴ *Mélanges Gréco-Rom.* IV p. 97 (vide Hentzii Anhang ad *χ* 35 et Nauckii editionem Homericam).

496 comites Ulixis, quum navis magno illo saxo Cyclopi adversus insulam reducta esset, Ulixi, qui iterum Cyclopem allocutus erat, dicunt καὶ δὴ γάρμεν αὐτόθ' ὀλέσθαι, ita enim in omnibus libris legitur. Madvigius tamen censet legendum esse ὀλεῖσθαι, quæ quidem lecto etiam a Nauckio accepta est atque præterea et a Cobeto et a Nabero commendatur¹. At quamquam hæc emendatio facillima est optimamque reddit sententiam, tamen haud scio, an hoc loco salva codicum auctoritate legi possit ὀλέσθαι; nam quum satis constet aoristum ὀλόμην² eodem modo, quo ὀλωλα, usurpari, ut significet: *perii, actum est de me*, hunc locum interpretari posse videmur: credebamus *de nobis actum esse*.

b) X 235 νῦν δ' ἔτι καὶ μᾶλλον νοέω φρεσὶ τιμήσασθαι, | ὅς ἐτιλῆς ἐμεῦ εἴκελ' — — τεύχεος ἐξελεῖν. La Rochius recte interpretatur '*gedenke in Ehren zu halten*', quamquam hæc interpretatio non convenit cum ejus interpretatione loci Γ 98, ad quam h. l. legentes delegat. Nauckius τιμήσασθαι in τιμήσεσθαι mutavit; quæ mutatio Cobeto³ quoque et Nabero⁴ placuit; neque vero necessaria videtur, quum νοέω apud Homerum numquam verum sentiendi verbum sit sed semper quandam voluntatis (consilii, propositi) significationem habeat⁵. Neque tamen negaverim futuri infinitivum post verbum νοέω ferri posse, quum verba quædam, a quorum significatione νοέω non multum abest, ut μέλλω persæpe, μέμαα et μέμονα non raro apud Homerum futuri infinitivo utantur et post ἐν νόῳ ἔχω, νοέομαι, διανοέομαι, ἐπινοέω apud Herodotum⁶ futuri infinitivus nonnumquam occurrat.

c) Restant tamen tres loci, quibus omnibus Nauckius futurum in contextum recepit, quamquam aoristus fere solus in libris occurrit. Etiam Madvigius, Co-

¹ Madv. Adv. Crit. I p. 170; Bemerkungen p. 42. Cobet. l. l. p. 329. Naber l. l. p. 103.

² I 412—15 εἰ μὲν κ' αὖθι μένων Τρώων πόλιν ἀμφιμάχωμαι | ὤλετο μὲν μοι νόστος, ἀτὰρ κλέος ἄφθιτον ἔσται | εἰ δέ κεν οὔκαδ' ἴκωμι φίλην ἐς πατρίδα γαῖαν | ὤλετό μοι κλέος ἐσθλόν, ἐπὶ δὴρὸν δέ μοι αἰὼν | ἔσσεται. N 772 νῦν ὤλετο πᾶσα κατ' ἄκρης | Ἴλιος αἰπεινή. α 168 τοῦ δ' ὤλετο νόστιμον ἦμαρ.

³ Cobetus l. l. p. 329: 'Frustra', inquit, 'comparant Ω 560 νοέω δὲ καὶ αὐτὸς | Ἐκτορὰ τοι λῦσαι, nempe λῦσαι statim, τιμήσεσθαι contra posthac τοῦ λοιποῦ: καὶ πρότερον, inquit, σὲ ἐτίμησα, νῦν δ' ἔτι μᾶλλον τοῦτο ποιήσῃ διανοοῦμαι'.

⁴ Cfr. l. l. p. 105.

⁵ Cfr. lexicon Capellii νοέω mit inf.: *gedenken, im sinne haben*. Cum infinitivo aoristi conjunctum est E 665 ἐξεῖναι, K 551 ἐλέσθαι, Ω 560 λῦσαι, λ 63 καταβῆναι, π 410 φανῆναι.

⁶ Cfr. comment. nostrum: De Futuro Herodoteo pp. 48, 49 (in Act. Univ. Lund., Tom. XIV).

betus, Naber¹ futurum legendum censent. Sunt autem hi: Γ 28 *φαίνο γὰρ τίσεσθαι ἀλείτην*, Γ 366 *ἢ τ' ἐφάμην τίσεσθαι Ἀλέξανδρον κακότητος*, υ 121 *φαίνο γὰρ τίσεσθαι ἀλείτας*. Aoristum quum alii defendunt, tum Hentzius et Capellius, qui etiam ω 470 *φη δ' ὄγε τίσεσθαι παιδὸς φόνον*, quo loco libri futurum habent, legendum censet. Capellius² aoristos ea maxime re commendari existimat, quod tanta est codicum consensio, ut difficile videatur statuere, hoc aut negligentia aut, quum talibus locis futuri usus legitimus sit, consulto factum esse. Contra quæ afferri forsitan possit inter illos locos, quos ex ceteris scriptoribus hanc quæstionem pertractans attulit Madvigius, esse complures, ubi quamquam codices mira consensione aoristum tueantur, ne acerrimi quidem aoristi defensores librorum lectionem retinere ausi sint, atque in libris manuscriptis nonnumquam infinitivos aoristorum in *-ασθαι* occurrere, qui aut omnino non in lingua Græca occurrant (ut *ελεύσασθαι*), aut in alia significatione (ut aliud est *τρέψασθαι*, aliud *τραπήναι*), ita ut ne nimium libris tribuamus, etiamsi concedatur Cobetum³ in codicum auctoritate contemnenda nimis longe progressum esse. Præterea Capellius existimat his locis aoristum sine ullo temporis significatione id indicare, quod ut fiat certo expectetur. Eadem fere, quæ Capellius, affert Hentzius⁴ laudans præceptum illud Krügerianum⁵ aoristi infinitivum posse *'zeit- und dauerlos überhaupt das Eintreten einer Handlung, selbst einer zukünftigen, bezeichnen; ohne ἄν besonders da wo Zuversicht anzudeuten*

¹ Madv. Adv. Crit. I p. 169; Bemerkungen p. 42 not. Cob. l. l. p. 328 (de Γ 28, 366); Nab. l. l. p. 101, 102.

² Philologus XXVII p. 119: Wenn man aber auch zugibt, dass die endungen *-εσθαι* und *-ασθαι* durch die nachlässigkeit der abschreiber oft verwechselt sind, so kann doch schwerlich hier der inf. aoristi, der an drei stellen besser bezeugt ist, an der vierten als v. l. auftritt, wenn von anfang als lesart nicht vorhanden, an allen vier stellen durch nachlässigkeit in den text gekommen sein. Noch weniger durch absichtlicher correctur, denn das futurum ist in diesem falle dem späteren sprachgebrauche das natürlichere. Deshalb ist mir doch wahrscheinlich, dass an allen vier stellen der inf. aoristi die richtige lesart ist.

³ l. l. p. 328: Nostri igitur ubique est arbitrii ex cujusque loci natura constituere, utrum *-Εσθαι* an *-Ασθαι* scribi oporteat, et librorum scripturas omnes in ea quidem re licet contemnere.

⁴ Anhang ad Γ 28: Da die Dichtung schon von Vers 15 den Zweikampf einleitet, so ist hier der Gedenke an die Zukunft weniger passend als die Hervorhebung der That als einer rasch eintretenden, wie dieselbe Thatsache in gleicher Verbindung 366 (wo auch der Venetus *τίσεσθαι* bietet) und im Gebete 351 hervorgehoben wird. Sed post δὸς futuri infinitivus ferri nequit Γ 351 *Ζεῦ ἄνα, δὸς τίσεσθαι, ὃ με πρότερος κακ' ἔοργε*.

⁵ § 53: 6 Anm. 9. Dial. § 53: 6 Anm. 4.

ist'. Observandum tamen est Krügerum illo loco non inter ceteros aoristi infinitivos et eos, qui post dicendi et sentiendi verba occurrunt, distinxisse atque ex illis locis Homericis, quos affert, duos (β 171, δ 504) aperte aoristo de præterito uti, tertio (γ 320) infinitivum ad $\varepsilon\lambda\pi\epsilon\sigma\theta\alpha\iota$ referri, ita ut facile de quarto Γ 28, ubi complures editores futurum legunt, dubitare possimus. Præterea quanti aestimandum sit præceptum illud Krügeri de aoristi infinitivo certum temporis momentum non significante, satis docuit Madvigius. — Ac certe, quum aoristi infinitivus post hoc ipsum verbum $\varphi\eta\mu\iota$ in eadem prorsus sentiendi significatione tam sæpe de tempore præterito occurrat, futuri autem infinitivus etiam sæpius de futuro, non dubitare debemus mutata una litera α in ε his locis rectam et bonam sententiam restituere.

B.

Reliquum est, ut de iis infinitivis mentionem faciamus, quæ post verba *sperandi* (exspectandi), *promittendi*, *minandi*, *jurandi* occurrunt, quæ verba quamquam ut apud ceteros scriptores Græcōs ita apud Homerum de rebus futuris longe sæpissime cum futuri infinitivo conjunguntur, tamen nonnumquam aut præsentis aut aoristi infinitivo de futuro utuntur, illis quidem potissimum locis, ubi solus infinitivus occurrit. Atque hoc loco commemorandum est, quamquam satis cognitum sit in lingua Græca post sentiendi et dicendi verba subjectum infinitivi, quod idem sit atque verbi finiti; longe sæpissime omitti, tamen non post omnia hæc verba, de quibus nunc agimus, necesse esse subjectum quoddam infinitivi omissum existimare aut omnes infinitivos ad indicativos orationis rectæ revocare. Nam in Latina quoque lingua, ubi semper fere ¹ post vera verba sentiendi et dicendi accusativus ille subjecti munere fungens exponitur, post ea verba, quæ accusativo cum futuri infinitivo vulgo utuntur, nonnumquam solus præsentis infinitivus occurrit, ut post *polliceor*: Cæs. B. G. IV. 21. 5 *Legati veniunt, qui polliceantur obsides dare atque imperio populi Romani obtemperare* et VI. 9. 7 *si amplius obsidum vellet, dare pollicentur*. Et si præsentis infinitivus verborum, quæ non in præsenti habent futuri temporis significationem, in lingua Græca post hæc verba occurrere potest, non dubium esse videtur, quin aoristi quoque

¹ Rarissimum est id quod occurrit Cæs. B. G. II. 32. 3 *Re nuntiata ad suos, quæ imperarentur, facere dixerunt*.

infinitivus usurpari possit, ita ut, si licet dicere ὑπισχνοῦμαι ποιεῖν, etiam ὑπισχνοῦμαι ποιῆσαι dicere liceat¹, quum praesertim haec *promittendi* verba numquam de rebus praeteritis usurpentur et praeterea ad verba voluntatis non raro prope accedant. *Sperandi* quoque vocabula longe saepissime futurum tempus respiciunt, quamquam non ita raro fit, vel ut abjecta sperandi significatione ad significationem existimandi transeant, vel ut retenta spei significatione cum infinitivis aut praesentis aut praeteriti temporis jungantur, quum de iis rebus, quae aut nunc fiunt aut jam factae sunt, si, quomodo se habeant aut quorsus evaserint, nescimus, spem habere possimus. *Jurandi* verba et locutiones quod ad haec sperandi et promittendi verba retulimus, mirum forsitan cuiquam videatur, quum satis constet, ut nos, ita Graecos inde a temporibus Homeri praeteritas non minus quam futuras res jurejurando confirmare solitos esse. At tamen negari non potest certum quoddam discrimen esse inter significationes illas *jurejurando confirmare aliquid factum esse aut aliquo modo se habere* et *jurejurando se obstringere aliquid se facturum esse*, atque plurimis locis ex iis, quae antecedant et subsequantur, satis apparere, utrum ad praeteritum an ad futurum pertineat tempus id, quod jurejurando confirmatur². Praeterea quum de rebus futuris usurpentur jurandi verba, ad promittendi verba tam prope accedunt, ut una cum iis commemoranda esse videantur. Ceterum illud observandum est eos locos Homericos, quibus aoristi infinitivus de futuro tempore post haec verba occurrat, ut pauciores sint quam ii, ubi post γημι, οἶομαι similia hoc factum sit, ita ad fidem esse certiores. In iis, quae sequuntur, omnes omnium temporum infinitivos, qui post omnia haec Homerica verba et locutiones occurrunt, allaturi sumus.

1. Vocabula *sperandi* apud Homerum sunt verbum ἔολπα (ἐώλπειν, ἔλπομαι, ἐπιέλομαι) et substantivum ἔλπωρή:

a) Post formas ἔολπα, ἐώλπειν semper futuri infinitivus occurrit aut infinitivus, qui futuri significatione utitur, νέσθαι, κειμέν, sive accusativus cum in-

¹ Madvigio assentiri non possumus dicenti (Bemerkungen p. 37): Den gegenstand eines versprechens oder einer übereinkunft nicht bestimmt aus der gegenwart in die zukunft her-austreten zu lassen ist etwas ganz anderes als eine form zu gebrauchen, die dem sprachgebrauche zufolge die entgegengesetzte zeit bezeichnet.

² Mirum sane est L. Meyerum (Griech. Aor. p. 80) aoristi infinitivum I 133 ἐπὶ δὲ μέγαν ὄρκον ὁμοῦμαι / μή ποτε τῆς εὐνῆς ἐπιβήμεναι ἢ δὲ μιγῆναι, (= I 274, T 176) de futuro interpretari 'ich werde schwören nie das Lager zu besteigen'. Certe si hoc jusjurandum ad Achillem movendum et placandum aliquid valiturum esset, oportuit Agamemnonem ad tempus praeteritum jusjurandum referre.

finitivo sive solus infinitivus usurpatur. Solus infinitivus, ut expectari potest, tum quoque sequitur, quum dicitur *θυμὸς ἐώλπει* l. *ἤλπειο* pro *θυμῷ ἐώλπει* l. *ἤλπετό τις*¹. Accusativus cum infinitivo occurrit *T* 329, 30 *πρὶν μὲν γάρ μοι θυμὸς ἐνὶ στήθεσσι ἐώλπει | οἷον ἐμὲ φθίσεσθαι* — — — *σὲ δέ τε Φθι- ηνδε νέεσθαι* (ἐμέ, quod σέ opponitur, expositum est), *Y* 186 *ῥέξειν*, *X* 217 *οἴ- σεσθαι*. — *β* 275 *τελευτήσῃν*, *γ* 375 *ἔσεσθαι*, *ε* 379 *ὀνόσεσθαι*, *θ* 315 *οὐ μὲν σφεας ἔτ' ἐόλπα μινυνθά γε κειέμεν οὕτως*, *υ* 329 *ροστήσῃν* (nonnulli libri *ρο- στήσαι*). Solus infinitivus *Φ* 584 *ἧ δὴ πον μάλ' ἐόλπας ἐνὶ φρεσὶ, παίδιμ' Ἀχιλλεῦ, | ἧμαι τῷδε πόλιν πέρσειν* (unus liber *πέρσαι*), *φ* 97 ubi sine dubio legendum est *τῷ δ' ἄρα θυμὸς ἐνὶ στήθεσσι ἐώλπειν | νευρὴν ἐνιανύειν διοϊστεύσειν τε σί- δηρον*², *ω* 314 *μῖξεσθαι* — *διδώσειν*.

b. α) Etiam *ἐλπομαι* et *ἐπιέλπομαι* longe sæpissime cum infinitivo futuri con- junguntur. Post *ἐλπομαι* occurrit accusativus cum infinitivo *H* 353, qui versus spurius existimatur, *N* 9 *οὐ γὰρ ὅ γ' ἀθανάτων τιν' ἐέλπειο ὃν κατὰ θυμόν | ἐλθόντ' ἢ Τρώεσσι ἀρηξέμεν ἢ Δαναοῖσιν* (unus liber *ἀρηγέμεν*), *P* 239 *ροσση- σέμεν*, 406 *ἀπονοστήσῃν*, *η* 293 *ὥς οὐκ ἂν ἐλποιο νεώτερον ἀντιάσαντα | ἐρξέ- μεν*³. Omissum est subjectum infinitivi, quamquam aliud est atque verbi finiti, *Ξ* 68 *ἧ (= τάφρῳ) ἐπὶ πόλιν' ἐπαθον Δαναοί, ἐλποντο δὲ θυμῷ | ἄρδρηκτον νηῶν τε καὶ αὐτῶν ἐῖλαρ ἔσεσθαι* sc. *αὐτήν*, ut sæpe fit in lingua Græca, *P* 407 *οὐδὲ τὸ ἐλπειο πάμπαν | ἐκπέρσειν πτολίεθρον ἄνευ ἔθεν* Achilles non sperabat l. putabat Patroclum sine ipsius opera urbem expugnaturum esse, *φ* 316 *ἐλπεαι αἶ χ' ὁ ξεῖνος Ὀδυσσεύς — τόξον ἐνιανύσῃ — οἴκαδ' ἐμ' ἄξεσθαι καὶ ἐγὼ θή- σεσθαι ἄκοιτιν*, ubi subjectum infinitivi in enuntiatione hypothetica subjecti mu- nere fungitur. Solus infinitivus in Iliade sæpe occurrit *Θ* 197 *ἐλποίμην κεν Ἀχαιοὺς | αὐτιονυχὶ νηῶν ἐπιβησέμεν ὠκείων*, *Θ* 527 *εὐχομαι ἐλπόμενος Διὶ τ' ἄλλοισιν τε θεοῖσιν | ἐξελάαν ἐνθὲνδε κύνας*, *I* 371 *ἐξαπαιτήσῃν*, *M* 262 *ῥή- ξειν*, *N* 42 *αἰρήσῃν* — *κιενέειν*, 813 *ἐξαλαπάξειν*, *Ξ* 422 *ἐρύεσθαι* fut. (unus

¹ Ad *ἐόλπα* *T* 328, *φ* 97, *ω* 314. Ad *ἐλπομαι* *N* 813, *O* 702, *P* 235, 395, 496 — *ἐλπειο* *θυμῷ* *P* 404, 603, *ἐέλπειο* ὃν κατὰ θυμόν *N* 9.

² Ita La Rochius h. l. et *φ* 127 post *ἐλπομαι* legendum censet, *Homerische Untersu- chungen* p. 296, 269. Nauckius legit *ἐντανίσειν* — *διοϊστεύσειν*, Ameisius *ἐντανύειν* — *διοϊστεύειν*, quamquam (*Anh. φ* 174) *τανίειν* futurum esse posse concedit. Neque vero du- bitari potest, quin præsens illud *διοϊστεύειν*, quod in uno cod. v. 127 occurrit, prave in- tellecto futuro *ἐντανύειν* sine *σ* formato exortum sit.

³ Nemo, opinor, Ameisio assentietur statuenti in commentario ad h. l. *ἐρξέμεν* esse: "epischer Aorist (wie *ἄξέμεν*), da man ohne den Begriff der Hoffnung *ὥς οἴκ' ἂν ἔρξειε νε- ώτερος* sagen würde.

liber ἐρύσασθαι), O 505 ἵξεσθαι, 702 ἐνιπρήσειν — κτενέειν, II 609 τεύξεσθαι, P 235 ἐρύειν, 396 ἐρίειν, 488 αἰρησέμεν, 496 κτενέειν — ἐλάαν, 604 μαχήσεσθαι, Σ 260 αἰρησέμεν, Υ 180 ἀνάξειν, 201 δειδίξεσθαι, 432 δειδίξεσθαι (unus liber δειδίξασθαι), Φ 605 κικήσεσθαι. Post ἐπιέλπομαι futuri infinitivus occurrit A 546 μὴ δὴ πάντας ἐμοὺς ἐπιέλεο μύθους / εἰδήσειν, Ω 492 ὄψεσθαι, φ 127 ἐντανύειν — διοῦστεύσειν¹.

β) Accusativus cum infinitivo praesentis post ἔλπομαι occurrit I 41 οὕτω που μάλα ἔλπειαι νῆας Ἀχαιῶν / ἀπιολέμους τ' ἔμεναι, N 310 ἐπεὶ οὗ ποθι ἔλπομαι οὕτως / δεύεσθαι πολεμοιο κάρη κομόωντας Ἀχαιοὺς²; ι 419 οὕτω γὰρ πού μ' ἤλπετ' ἐνὶ φρεσὶ νήπιον εἶναι. Huc etiam referendum puto K 356 ἔλπειο γὰρ κατὰ θυμὸν ἀποστρέφοντας ἑταίρους / ἐκ Τρώων ἵεναι πάλιν Ἑκτορος διτρήναντος, quamquam enim ἵεναι post huiusmodi verba apud Homerum futurum tempus indicat, tamen, quum legatur versu antecedente ὁ δ' ἄρ' ἔστη δοῦπον ἀκούσας, melior videtur interpretatio: sperabat socios ab Hectore missos venire. Post ἀελπτέω omisso subjecto infinitivus praesentis occurrit H 310 καὶ ὃ' ἦγόν προτὶ ἄσιν ἀελπτόντες σόον εἶναι.

γ) Perfecti infinitivus occurrit (acc. c. inf.) O 110 ἤδη γὰρ νῦν ἔλπομ' Ἀορί γε πῆμα τεύχθαι, P 405 τό μιν οὗ ποτε ἔλπετο θυμῷ / τεθνάμεν, ubi perfectum sequenti futuro ἀπονοστήσειν opponitur, ζ 297 ἐπὶ ἡμέας ἔλπη ποτὶ δώματ' ἀφῆχθαι: nos domum redisse.

δ) Aoristi infinitivus post ἔλπομαι et de praeterito et de futuro tempore apud Homerum occurrit. De praeterito tempore³ in constructione accusativi cum infinitivo H 199 ἐπεὶ οὐδ' εὐὲ νηῖδα οὕτως / ἔλπομαι ἐν Σαλαμῖνι γενέσθαι τε τραφέμεν τε, me natum educatumque esse et ψ 346 ὁππότε δὴ ὃ Ὀδυσῆα ἐλπίο δν κατὰ θυμὸν / εὐνῆς ἧς ἀλόχου ταρπήμεναι ἡδὲ καὶ ὕπνον, Ulixem delectatum esse. Neque dubium videtur, quin huc etiam referendum sit II 282 ἐλπόμενοι — Πηλεῖωνα / μνησθὸν μὲν ἀπορῥῖπαι φιλότητα δ' ἐλέσθαι, quem locum editores vulgo de praeterito interpretantur. Sententia enim haec est Trojanos, quum Patroclum armis Achillis indutum viderent, eum pro Achille ha-

¹ Cfr. quod supra p. 21 ad φ 97 commemoratum est.

² Schol.: οὐδαμοῦ ἐνδεῖς τοσοῦτον οἶμαι τῶν βοηθησόντων εἶναι τοῖς Ἀχαιοῖς —.

³ Hunc aoristi infinitivi de praeterito usum Madvigius nimis artis terminis circumscribere videtur, quum dicit (Adv. Crit. I. p. 178): De praeterito spes non dicitur nisi rei absolutae, ut perfecto non aoristo locus sit; nam neque iis locis, ubi spei significatio in vim existimandi abiit, neque iis, ubi spes rei praeteritae, cujus exitum ignoramus, commemoratur, quidquam impedire videtur, quominus aoristi infinitivus usurpetur.

buisse perterritosque opinatos esse Achillem cum suis in gratiam atque reconciliationem redisse. Loco illo *O* 289 ἦ θῆν μιν μάλα ἔλπειο θυμὸς ἐκάστων / χερσὶν ὑπ' Αἴαντος θανέειν Τελαμωνιάδαο. Madvigius¹ aoristum de futuro interpretatur. Quum tamen difficilius sit in constructione, quæ est accusativus cum infinitivo, ubi ad certum indicativi tempus infinitivus referatur necesse sit, futuri significationem aoristo tribuere, hic locus ita interpretandus videtur: credebat unusquisque eum ab Ajace *interfectum* esse, quæ interpretatio non inepta videbitur, si considerabimus *Ξ* 402—449 narrari Hectorem, quum in pugna ab Ajace lapide ictus esset, semianimum e proelio ad urbem versus ductum esse, ita ut facile suspicari possent Græci eum mortem obisse.

ε) De tempore *futuro* solus aoristi infinitivus occurrit *M* 407 ἐπεὶ οἱ θυμὸς ἐέλπειτο κῦδος ἀρεῖσθαι, ubi tamen Nauckius ἔλπειο in ἔλδετο mutavit, quæ lectio non omni librorum fide caret, et *γ* 320 ὅθεν οὐκ ἔλποιτό γε θυμῷ / ἐλθεῖεν, quo loco, si Nauckium sequimur v. 319 γε in κε mutantem, forsitan particulam κε etiam ad infinitivum referre possimus. Quum vero *M* 407, quamquam lectio ἔλδετο¹ ferri potest atque satis probabilem reddit sententiam, tamen ad loci sententiam aptior videatur sperandi (ἔλπειτο) quam optandi (ἔλδετο) significatio — nam optasse Ajacem gloriam parare adeo perspicuum est, ut vix dici necesse fuerit — et particula κε apud Homerum ad infinitivum rarissime referatur, non audacius videtur statuere infinitivum his locis, ubi futurum respici satis apparet, abjecta temporis significatione ad vim substantivi propius accessisse. — *Γ* 112 ἐλπόμενοι παύσασθαι ὀϊζυροῦ πολέμοιο aoristi infinitivus optimorum librorum auctoritate firmatur. Quo loco difficile esse potest dijudicare, utrum aoristum interpretemur de præterito: *sperantes se bellum molestum ad finem perduxisse*; nam bellum ad finem perductum esse dici poterat, cum jam constitutum esset, ut Menelaus et Alexander pugna singulari certarent, an aoristi infinitivum futurum tempus significare statuamus, an παύσασθαι in παύσεσθαι mutemus. *φ* 158 νῦν μὲν τις καὶ ἔλπετ' ἐνὶ φρεσὶν ἥδ' ἐμενοινᾷ / γῆμαι Πηγελόπειαν apparet aoristum γῆμαι potius referri ad μενοινᾷ, quod verbum cum aoristi infinitivo sæpe conjungi satis est notum.

¹ Adv. Crit. I p. 179.

² ἔλδομαι cum aor. inf. occurrit *ε* 219 ἐθέλω καὶ ἐέλδομαι ἥματα πάντα / οἴκαδ' ἐλθέμεναι καὶ νόστιμον ἡμᾶς ἴδεσθαι. *δ* 162 ἐέλδετο γὰρ σε ἰδέσθαι. *ο* 66 ἤδη γὰρ μοι θυμὸς ἐέλδεται οἴκαδ' ἰκέσθαι. *σ* 154 θυμὸς μοι ἐέλδεται, οὗ τι πάρος γε, / μνηστήρεσσι φανῆναι. κῦδος ἀρεῖσθαι præterea occurrit post *η*ρονέω *P* 287, post *γ*εμαι *Y* 502, post *μ*εγαίνω *Φ* 543.

c) Post substantivum ἑλπωρή accusativus cum infinitivo *futuri* occurrit ψ 287 ἑλπωρή τοι ἔπειτα κακῶν ὑπάλυξιν ἔσεσθαι. Contra solus infinitivus *aoristi* β 280 ἑλπωρή τοι ἔπειτα τελευτῆσαι τάδε ἔργα et η 76 ἑλπωρή τοι ἔπειτα φιλοῦς τ' ἰδέειν καὶ ἰκέσθαι κ. τ. λ. et ζ 314, ubi idem versus occurrit sed spurius existimatur. Et si post verbum ἔλπομαι *aoristi* infinitivus de futuro usurpari potest, multo minus mirabile videtur hoc fieri posse post substantivum ἑλπωρή; quamquam enim hoc substantivum audito verbo ἐστὶ ad vim verbi sperandi transiit, tamen infinitivi illi ad solum substantivum eodem fere modo, quo in Latina lingua gerundium genitivi usurpatur, relati ad significationem substantivorum propius accessisse existimandi sunt ¹.

d) A verbis sperandi non longe absunt verba *expectandi*, e quibus δέχομαι cum *futuri* infinitivo his locis conjunctum est ι 514 αἰεὶ τινα φῶτα μέγαν καὶ καλὸν ἐδέγμην / ἐνθάδ' ἐλεύσεσθαι, μ 230 ἔνθεν γάρ μιν ἐδέγμην πρῶτα φανείσθαι. — Huc etiam referri potest verbum δειδῶ, quod cum *futuri* infinitivo conjungitur Ξ 343 μήτε θεῶν τό γε δειδιδίμι μήτε τιν' ἀνδρῶν / ὕψεσθαι et mutata constructione χ 39, 40 οὔτε θεοὺς δεισαντες . . . οὔτε τιν' ἀνθρώπων νέμεσιν κατόπισθεν ἔσεσθαι.

2. a) Inter promittendi verba, ad quæ nunc transgredimur, primum commemoranda sunt ὑπίσχομαι, ὑφίσταμαι (ὑπέστην), κατανεύω.

α) Iis locis, ubi ad hæc verba nullum substantivum objecti loco positum est, semper fere occurrit infinitivus *futuri* aut infinitivus ejusmodi, qui post dicendi et sentiendi verba *futuri* utitur significatione. Post ὑπίσχομαι occurrit accusativus cum infinitivo θ 348 ἐγὼ δέ τοι αὐτὸν ὑπίσχομαι — — πῶσειν αἶσιμα πάντα. Solus infinitivus, qui post hæc verba aut de subjecto verbi promit-

¹ Eodem modo infinitivus ad substantiva refertur N 98 νῦν δὴ εἶδεται ἡμαρ ὑπὸ Τρώεσσι δαμῆναι (quamquam hoc loco Hentzius statuit ad δαμῆναι cogitandum esse subjectum ἡμᾶς) O 720 νῦν ἡμῖν πάντως Ζεὺς ἄξιον ἡμαρ ἔδωκεν / νῆας ἐλεῖν, Y 349 οὐ οἱ θυμὸς ἐμεῦ ἔτι πειρηθῆναι / ἔσσεται. Confer verba Herzogii, quæ Hentzius in Anh. ad K 173 νῦν γὰρ δὴ πάντεσσι ἐπὶ ξυροῦ ἴσταται ἀκμῆς / ἥ μάλα λυγρὸς ὄλεθρος Ἀχαιοῖς ἥε βιῶναι affert ex Jahrb. f. Philol. 1873 p. 17: Ein so entschieden nominativer Gebrauch aber muss als Wendepunkt anerkannt werden in der Rolle, welche der Infinitiv spielt. Nunmehr ist er geeignet als ein Abstractum zu erscheinen, das zwar indeclinabel ist aber in jeder nominalen Beziehung gebraucht werden kann.

² Contra verba μένω et ὑπομένω in eadem fere significatione cum *aoristi* infinitivo junguntur, quod ipsa finem vel propositum indicant, ita ut infinitivus consecutivam vim habeat Δ 247 ἢ μένετε Τρώας σχεδὸν ἐλθέμεν, O 600 τὸ γὰρ μένε μητίετα Ζεὺς / νηὸς καιομένης σέλας ὀφθαλμοῖσιν ἐδέσθαι, α 411 οἶδ' ὑπέμεινεν γνῶμεναι, α 422 μένον δ' ἐπὶ ἑσπέραν ἐλθεῖν = δ 786 = σ 305. ζ 98 εἴματα δ' ἡελίοιο μένον τερσήμεναι ἀγγῆ.

tendi aut de eo, cui promittitur aliquid, prædicatur, invenitur Z 94 ἱερυνσέμεν = Z 275, X 117—18 δωσέμεν — ἀποδάσσεσθαι (ita omnes legunt, quamquam plurimi codices ἀποδάσασθαι habent). 292 ἐξελάαν. Conjuncta ὑπίσχομαι et κατανεύω occurrunt B 113 σχέτλιος ὃς πρὶν μὲν μοι ὑπέσχετο καὶ κατένευσεν / Ἴλιον ἐκπέρσαντ' εὐτείχεον ἀπονέεσθαι = I 20, N 369 δωσέμεναι, δ 7 δωσέμεναι. — Sine ὑπίσχομαι occurrit κατανεύω K 393 ὃς μοι Πηλεϊωνος ἀγανοῦ μῶνυχας ἱπποῦς / δωσέμεναι κατένευσε. — ὑπέστην cum futuri infinitivo conjungitur I 446 οὐδ' εἴ κεν μοι ὑποσταίῃ θεὸς αὐτός / γῆρας ἀποξύσας θήσειν νέον ἡβώνοντα, T 135 ὅσσ' Ἀχιλῆϊ / χθιζὸν ὑπέστημεν δώσειν. Contra nonnihil mutata significatione¹ aoristi infinitivo utitur Φ 274 Ζεῦ πάτερ ὥς οὐ τίς με θεῶν ἐλεεινὸν ὑπέστη / ἐκ ποταμοῖο σαῶσαι.

β) Etiam iis locis, ubi ad promittendi verbum nomen quoddam (ὑπόσχεσις, ἔργον, μῦθος, ἀπειλαί) objecti loco ante infinitivum positum est², plerumque futuri infinitivus usurpatur et quidem post ὑπίσχομαι N 367 ὑπέσχετο δὲ μέγα ἔργον / ἐκ Τροίης ἀέκοντας ἀπώσμεν νῆας Ἀχαιῶν, — post ὑφίσταμαι B 288 — ὑπόσχεσιν ἦν περ ὑπέστιαν — — Ἴλιον ἐκπέρσαντ' (= ἐκπέρσαντά σε) εὐτείχεον ἀπονέεσθαι, E 716 ἧ ῥ' ἄλιον τὸν μῦθον ὑπέστημεν Μενελάῳ / Ἴλιον ἐκπέρσαντ' εὐτείχεον ἀπονέεσθαι, Ψ 21, 22 πάντα — τὰ πάροιθεν ὑπέστην / Ἐκτορα — — δώσειν κῆδὸν ὠμὰ δάσασθαι — — ἀποδειροτομήσειν, κ 484 τέλεσόν μοι ὑπόσχεσιν ἦν περ ὑπέστις / οἴκαδε πεμψέμεναι. Huc etiam referendus est locus ille Θ 229—33 πῇ ἔβαν εὐχόμενοι, ὅτε δὴ φάμεν εἶναι ἄριστοι / ὥς ὁπότε ἐν Αἴμυνω κενεαυχέες ἡγοράσασθε — — Τρώων ἄνδ' ἐκατὴν τε διηχοσίῳν τε ἕκαστος / στήσεσθ' ἐν πολέμῳ, ubi anacoluthice omissum est verbum quoddam ἐλέγετε, ὑπέσχεσθε, cujus objectum pronomen relativum ὥς est. Duobus locis post ὑπίσχομαι infinitivus praesentis occurrit K 40 δεῖδω μὴ οὐ τίς τοι ὑπόσχηται τόδε ἔργον / ἄνδρας δυσμενέας σκοπιαζέμεν οἷος ἐπελθῶν et Y 84 ποῦ τοι ἀπειλαί / ὥς Τρώων βασιλεῦσιν ὑπίσχεο οἶνοποιάζων / Πηλεΐδew Ἀχιλλῆος ἐναντιβιον πολεμίζειν; hoc tamen loco et Nauckius et La Rochius (Ed. Crit. 1876) πολεμίζειν in πολεμίζεω mutaverunt; quæ emendatio etiam Cobeto et Nabero³ probata, etiamsi non prorsus necessaria est, tamen, quum persæpe in libris Z pro Ξ scriptum sit et praesentis infinitivus post promittendi verba perraro occurrat,

¹ Ebbeling, Lex. Hom.: *recipio in me, sustineo*. Capellii Hom. Wörterb.: über sich nehmen, sich unterziehen, unternehmen, (vgl. "wofür stehen" Schol. τλῆναι) mit Inf. σαῶσαι.

² Quæ ratio intercedat inter infinitivum et substantivum illud, disputat Hentzius Anhang ad Ilias K 40.

³ Cob. l. l. p. 330. Nab. l. l. p. 104.

haud scio an recipienda sit, praesertim quum altero illo loco, ubi legitur *σκοπιζόμεν*, quod verbum futuro tempore caret, verbum *ὕπλοχομαι* in eandem fere significationem, quam habet *ὕπλεστην* Φ 274, transisse videatur.

b) Præterea hæc verba in promittendi significatione occurrunt: *εὐχομαι* de votis deo cuidam susceptis Δ 102 *εὐχεο δ' Ἀπόλλωνι λυκηγενεὶ κλυτοτόξῳ | ἄρῶν πρωτογόνων ῥέξειν κλειτὴν ἑκατόμβην* = Δ 120; ρ 51 *εὐχεο πᾶσι θεοῖσι τεληέσας ἑκατόμβας | ῥέξειν* = ρ 60. *γουννοῦμαι* κ 523—24 *πολλὰ δὲ γουννοῦσθαι νεκύων ἀμενηνὰ κάρηνα | — — — στείραν βοῦν — | ῥέξειν — πυρρὴν ἰ' ἐμπλησέμεν ἐσθλῶν | — — ὅιν ἱερευσέμεν* = λ 31, 32. Promittendi significatione utitur *ἁράομαι*¹, quod ceteris locis *precari* significat, Ψ 145 *ἄλως σοὶ γε παιτὴρ ἠρήσατο Πηλεὺς | κεῖσέ με νοστήσαντα φίλην ἐς πατρίδα γαίαν | σοὶ τε κόμην κέρεειν ῥέξειν θ' ἱερὴν ἑκατόμβην | — ἱερεύσειν, — et ἐπιτέλλω*² Ω 781 *Ἀχιλλεύς | πέμπων μ' ὧδ' ἐπέτελλε μελαινάων ἀπὸ νηῶν | μὴ πρὶν πημανέειν, πρὶν δωδεκάτῃ μόλῃ ἡώς*.

Verbum illud *στεῦται* (*στεῦτο*) in Iliade sex locis cum futuri infinitivo conjunctum occurrit, ita ut omnibus communis esse videatur *prædicendi* vel *promittendi* significatio³ Β 597 *στεῦτο γὰρ εὐχόμενος νικησέμεν*, Γ 83 *στεῦται γὰρ ἡ ἔπος ἐρέειν κορυθαίολος Ἑκτωρ*, Ε 833 *πρώην — — στείτ' ἀγορεύων — μαχήσεσθαι*, Ι 241—43 *στεῦται γὰρ νηῶν ἀποκόψειν ἄκρα κόρυμβα | αὐτὰς τ' ἐμπρήσειν μαλεροῦ πυρὸς αὐτὰρ Ἀχαιοὺς | δηώσειν*, Σ 191 *οἰσέμεν*, Φ 455 *ἀπολεψέμεν*. Cum infinitivo aoristi de rebus præteritis nonnihil mutata significatione occurrit⁴ ρ 525 *στεῦται δ' Ὀδυσῆος ἀκούσαι*.

c) Huc etiam referendum est Θ 246 *νεῦσε δὲ οἱ λαὸν σόον ἔμμεναι οὐδ' ἀπολέσθαι*, quo loco omnes libri aoristum præbent. Bekkerus tamen Aristarchum sequens *ἀπολεῖσθαι* legit itemque alii nonnulli editores. La Rochius et Nauckius aoristum retinuerunt. Quod si *ὀλεῖσθαι* legendum est, etiam pro *εἶναι*

¹ Capellii Wörterb. *ἁράομαι*: *τινὶ* mit folgendem Acc. c. inf. Fut. zu einem flehend geloben II. 23. 144.

² Capellii Wörterb.: *er erklärte*. Ebeling, Lex. Hom. affert verba Düntzeri: *ἐπέτελλε* hier in auffallender Weise von einer Zusage, da es sonst immer einen Auftrag, einen Befehl bezeichnet.

³ Capelli Wörterb.: verheissen, versichern, prahlen, drohen. Ebeling, Lex. Hom.: c. inf. fut. stat mihi sententia, steht danach, intendo, in animum induco. Cfr. Lehrs (2 Aufl.) 98 — alii: glorio, affirmo gloriabundus, profiteor, promitto.

⁴ Capelle l. l.: er geberdet sich so als habe er gehört, will gehört haben. Ebeling l. l.: in animum inducit, i. e. putat se audisse.

ἔσσεσθαι (ἔσσεσθ') legendum videtur. Hoc tamen loco infinitivi præsentis et aoristi eo defendi posse videntur, quod verbum *νεύω* non tam *promittendi* quam *permittendi*, *concedendi* significationem habet. Quod autem hoc loco occurrit particula negativa οὐ (non μή), non dubito, quin hoc propter oppositionem inter infinitivos illos σόον ἔμμεναι et ἀπολέσθαι factum sit¹; quod nisi ita esset, etiamsi *νεύω* promittendi vim haberet, negatio μή potius quam οὐ expectari posset¹. Eodem modo inter significationem *negandi* (οὐ φάναι) et *interdicendi*, *vetandi* (οὐκ ἔαν) vel *recusandi* (οὐκ ἐθέλειν) quasi in medio posita sunt verba ἀνατινομαί et ἀνανεύω. Illa significatio elucet Σ 500 ὁ δ' ἀναλνέτο μηδὲν ἐλέσθαι, *negavit se quicquam accepisse*, ubi aoristus de præterito usurpatur; hæc apparet Σ 450 αὐτὸς μὲν ἔπειτ' ἠναλνέτο λοιγὸν ἀμῦναι *recusavit, ne perniciem arceret*, et Ψ 204 ἡ δ' αὖθ' ἐξέσθαι μὲν ἀνήγατο: *recusavit, quominus sederet*. Præ formæ ambiguitate decerni non potest, utra significatio addenda sit verbo ἀνανεύειν II 252 σόον δ' ἀνένευσε μάχης ἔξ ἀπονέεσθαι; tamen propter antecedens illud νηῶν μὲν οἱ ἀπώσασθαι πόλεμόν τε μάχην τε | δῶκε verisimilius videtur ἀνανεύειν hoc loco vetandi significationem habere.

3. Ad verba promittendi proxime accedunt *minandi* verba ἀπειλέω et ἐπαπειλέω. — Cum *futuri* infinitivo occurrit ἀπειλέω A 161 καὶ δὴ μοι γέρας αὐτὸς ἀφαιρήσεσθαι ἀπειλεῖς, Θ 416—17 γυνιώσειν — βαλέειν — ἄξειν —, N 144 διελεύσεσθαι, O 180 ἐλεύσεσθαι, Φ 454 δήσειν — περᾶν, λ 314 σιήσειν. ἐπαπειλέω Ξ 46 ἀπονέεσθαι. — *Minandi* significatio in vim *promittendi* abiit Ψ 863 οὐδ' ἠπελλήσεν ἀνακτι | ἄρῶν πρωτογόνων ῥέξειν ἱερὴν ἑκατόμβην = Ψ 873. — *Præsentis* infinitivus de futuro legitur I 683 αὐτὸς ἠπελλήσεν ἄμ' ἡοῖ ἔφαινομένηφι | νῆας ἐυσσέλμους ἄλαδ' ἐλκέμεν (in uno libro ἐλξέμεν). Sine *futuri* temporis significatione præs. inf. occurrit θ 383 ἀπελλήσας βητάρμονας εἶναι ἀρίστους.

4. a) *Jurandi* verbum ὀμνυμι, ad quod persæpe objecti loco additur substantivum ὄρκον², et illæ locutiones, quæ jurandi significationem habent³, quum futurum tempus respiciunt, semper fere *futuri* infinitivo utuntur: accusativus cum infinitivo futuri occurrit T 109 νῦν μοι ὀμοσσον Ὀλύμπιε χαριερόν ὄρκον |

¹ Cfr. CHR. CAVALLIN, *Grekisk Syntax* § 262. 1. cfr. § 260. b.

² Cfr. μέγαν ὄρκον (θεῶν l. μακάρων) ὀμόσσαι (l. ὀμνύναι) I 133, 275, ε 178, κ 299 343. — χαριερόν ὄρκον T 108, 127, πολέας ὄρκους Y 313.

³ Quales sunt ὄρκῳ πιστωθῆναι ο 346; μέγαν ὄρκον ἐλέσθαι δ 746, γερούσιον ὄρκον ἐλέσθαι X 119. — ἴστω νῦν Ζεὺς κ. τ. λ. T 258, ἴστω νῦν τόδε γαῖα κ. τ. λ. ε 184.

ἥ μὲν τὸν πάντεσσι περικτιόνεσσιν ἀνάξειν —, T 129 ὥμοσε καρτερὸν ὄρκον / μήποτ' — — αὐτὸς ἐλεύσεσθαι Ἀτὴν ἢ πάντας ἀἶται. Solus futuri infinitivus de eo, qui jurat, prædicatus occurrit A 77 — καὶ μοι ὅμοσον ἥ μὲν μοι πρόφρων ἔπεσιν καὶ χερσὶν ἀρήξειν, K 323 ὅμοσον ἥ μὲν — δώσμεν, E 275 ὅμοσον ἀάατον Σιγῶς ὕδωρ / — ἥ μὲν — δώσειν —, Y 315 πολέας ὁμόσσαμεν ὄρκους μὴ — ἀλεξήσιν —. Φ 374 τόδ' ὁμοῦμαι μὴ — ἀλεξήσιν. — X 120 — κατακρύψειν —, δ 747 ἐμεῦ δ' ἔλετο μέγαν ὄρκον / μὴ πρὶν σοι ἐρέειν, ε 179 μέγαν ὄρκον ὁμόσσαί μὴ — βουλευσέμεν —, 187 ἴστω νῦν τόδε γαῖα καὶ οὐρανὸς κ. τ. λ. — μὴ τί τοι αὐτῷ πῆμα κακὸν βουλευσέμεν ἄλλο (ubi accusativus eam ob causam omissus est, quod ἴστω κ. τ. λ. idem est quod ὁμνυμι), κ 300 βουλευσέμεν, 344 βουλευσέμεν, ο 436 εἴ μοι ἐθέλοιτέ γε ναῦται / ὄρκω πιστωθῆναι ἀπήμονα οἴκαδ' ἀνάξειν. — Commemorandus præterea est locus ille I 455 πατήρ δ' ἐμὸς — — πολλὰ κατηρᾶτο σιγερὰς δ' ἐπεκέχλετ' Ἑριννῆς / μή ποτε γούνασιν οἷσιν ἐφέσσεσθαι φίλον υἱόν, quo loco Bekkerus infinitivum futuri ad σιγερὰς ἐπεκέχλετ' Ἑριννῆς referendum censet, plurimi editores ad κατηρᾶτο. Haud scio, an infinitivus ad totam sententiam antecedentem, quæ in jurandi locutionem quodam modo transiit, optime referatur¹.

b) Cum infinitivis *præsentis* et *perfecti* verbum ὁμνυμι occurrit ξ 332 ὥμοσε δὲ πρὸς ἔμ' αὐτόν . . . νῆα κατειρύσθαι καὶ ἐπαριέας ἔμμεν ἐταίρους et τ 289 ubi eadem fere leguntur. De *præterito tempore* post jurandi locutiones *aoristi* infinitivus non raro usurpatur et quidem apud Homerum his locis: T 261 ἴστω νῦν Ζεὺς κ. τ. λ. μὴ μὲν ἐγὼ κούρη Βοιωτῇδε χεῖρ' ἐπενείκαι, ubi ἐγὼ anacoluthice in nominativo occurrit, propterea quod ἴστω κ. τ. λ. idem est, quod ὁμνυμι. Solus infinitivus usurpatur I 133 ἐπὶ δὲ μέγαν ὄρκον ὁμοῦμαι / μή ποτε τῆς εὐνῆς ἐπιβήμεναι ἥδὲ μιγῆναι = I 275 = T 176, ubi eadem fere repetuntur, quibus de locis nemo, opinor, L. Meyero assentietur aoristi infinitivos tempus *præteritum* significare statuenti.

c) De *futuro tempore aoristi* infinitivus occurrit β 373 ἀλλ' ὅμοσον μὴ μητρὶ φίλῃ ἰάδε μυθήσασθαι, / πρὶν γ' ὅταν κ. τ. λ. et δ 254 ὥμοσα καρτερὸν ὄρκον / μὴ μὲν πρὶν Ὀδυσῆα μετὰ Τρώεσσ' ἀναφῆναι πρὶν γε τὸν κ. τ. λ. Illo tamen loco Nauckius μυθήσασθαι in μυθήσεσθαι mutavit assentientibus Madvigio, Cobeto, Nabero². Et quum aoristus facillime in futurum mutari possit, haud scio an satis causæ sit, cur legitimum infinitivi tempus huic loco Homericō restituat-

¹ Capelle Wörterb. ad καταράσθαι: Er gelobte unter vielen Verwünschungen, dass er . . .

² Cfr. Madv. Adv. Crit. I. p. 170. Cobet. l. l. p. 329. Naber l. l. p. 102.

mus, praesertim quum non appositum sit objecti loco substantivum ὄρκον, quod altero loco δ 254 factum est, et praeterea δ 747, ubi Euryclea hanc rem commemorat, futurum legatur μὴ πρὶν σοι ἐρέειν. Quamquam his duobus locis defendi posse videtur¹ aoristus ea re, quod post verbum ὀμνύναι nonnumquam occurrit sententia objectiva finalis, ut μ 298—301 νῦν μοι πάντες ὀμύσσετε καρτερὸν ὄρκον — — μὴ πού τις — — / ἢ βούν ἢέ τι μῆλον ἀποκτάνῃ et σ 55—57 νῦν μοι πάντες ὀμύσσετε καρτερὸν ὄρκον / μὴ τις — ἐμὲ χειρὶ βαρεῖν / πλήξῃ, ad quarum enuntiationum significationem infinitivus aoristi nonnumquam quam proxime accedit. Contra X 119—20 Τρῳσὶν δ' αὖ μειόπισθε γερούσιον ὄρκον ἔλωμαι / μή τι κατακρύψειν ἀλλ' ἄνδιχα πάντα δάσασθαι recte sine dubio Nauckius δάσασθαι in δάσεσθαι mutavit², quum appareat utroque infinitivo idem prorsus tempus respici, ne eodem loco formæ, quæ contrarium tempus indicare solent, de eodem tempore conjuncta occurrant.

Brevissime addendum censeo I 230 lectionem Bekkeri ἐν δοιῇ δὲ σάας ἔμεν (l. σάας ἔμεν) ἢ ἀπολέσθαι / νῆας ἐυσσέλμους (pro σαωσέμεν, quod in libris est), quæ lectio L. Meyero³ quoque et Nauckio probatur, mihi recipiendam videri, quum eam satis defendi putem loco Herodoteo IX. 60 ἀγῶνος μεγίστου προκειμένου ἐλευθέρην εἶναι ἢ δεδουλωμένην τὴν Ἑλλάδα.

¹ Hentzius, qui Anhang ad β 373 hos aoristos defendit, hunc aoristi usum comparat cum usu aoristi optativi, qui in jurando nonnumquam occurrit, velut X 304 sq., χ 462 sqq.

² Cfr. Cob. l. l. p. 329. Nab. l. l. pp. 102—3. — Futurum δάσσονται una litera σ formatum occurrit X 354 κατὰ πάντα δάσσονται.

³ Griech. Aor. p. 86: 'es ist zweifelhaft (etwa — wir vermuthen, dass jetzt entweder — oder —) ob die Schiffe unverzehrt sind oder zu Grunde gehen'.

Addendum.

Pag. 7 statuimus aoristi infinitivum de præterito usurpatum esse γ 125 οὐδὲ κε φαίης / ἄνδρα νεώτερον ᾧδε εἰκασία μνθῆσασθαι et Z 285 εἰ κεῖνόν γε ἴδοιμι κατελθόντ' Ἴδως εἶσω / φαίην κε φρέν' ἀτέρπου ὀϊζύος ἐκλελαθέσθαι, quamquam Hentzius, Comment. γ 125 (Ed. VII. 1879): "μνθῆσασθαι", inquit, "Infinit. Aor. vom Eintritt der Handlung, ohne temporale Beziehung", altero autem loco (Ed. II. 1874) ἐκλελαθέσθαι infinitivo prææs. (*gänzlich zu vergessen*) reddit. Idem ad η 293 ὥς οὐκ ἂν ἔλποιο νεώτερον ἀντιδάντα / ἐρξέμεν, de quo loco quid statuerit Ameisius, supra (p. 21 not. 3) attulimus, legentes delegat ad γ 125 (Ed. VI. 1876), ita ut existimare videatur hoc loco κε etiam ad μνθῆσασθαι pertinere, quæ opinio probabilis videretur, si κε l. ἂν paulo sæpius apud Homerum ad infinitivos referretur. Quum autem, ut Γ 392 οὐδέ κε φαίης / ἄνδρὶ μαχησάμενον ἰὼν γ' ἐλθεῖν, ita utroque hoc loco (γ 124, Z 285) φαίης (-ην) κε tempus prææsens significare vulgo existiment, quæ significatio omnino necessaria est Z 285, nihil impedire videtur, quominus infinitivos (ἐλθεῖν), μνθῆσασθαι, ἐκλελαθέσθαι de tempore præterito usurpatos putemus.

Summarium.

Prooemium pp. 1—3.

I. De temporum infinitivi vi et usu post dicendi et sentiendi verba pp. 3—10.

Infinitivum post hæc verba indicativo orationis rectæ respondere pp. 3—5. Infinitivos præsentis et perfecti non solum ad indicativum præsentis et perfecti sed etiam ad imperfectum et plusquamperfectum pertinere p. 5. Futuri infinitivum numquam fere occurrere nisi ad dicendi et sentiendi verba relatum pp. 5, 6. Aoristi infinitivum semper fere habere præteriti temporis significationem pp. 6, 7. Afferuntur loci, ubi post *φημί, οἶμαι*, sim. infinitivus aoristi de præterito et inf. futuri de futuro apud Homerum usurpantur pp. 7—10. Tamen nonnumquam fieri, ut aoristi infinitivus ad tempus præteritum verbi regentis relatus idem tempus, quod verbum regens, significet p. 10.

II. Num aoristi infinitivus Homericus ad dicendi et sentiendi verba relatus futurum tempus significare possit pp. 11—29.

A. Post *φημί, οἶμαι*, similia pp. 11—19.

1. Loci, ubi aliud est subjectum verbi regentis, aliud infinitivi pp. 12—16.

a) Loci, ubi aor. infinitivum non recte de futuro interpretati sunt viri docti (β 171, P 28, σ 342) aut sine causa in futurum mutaverunt (θ 565, ν 173) pp. 12—14.

b) Loci, ubi verbum, ad quod refertur inf., non verum est dicendi aut sentiendi verbum (Γ 98, N 667—68) pp. 14—16.

c) Loci, qui mutandi videntur (χ 35, β 198, E 288) p. 16.

2. Loci ubi solus infinitivus occurrit pp. 16—19.

a) (δ 504, ι 496) pp. 16, 17; b) (X 235) p. 17; c) (Γ 28, 366, ν 121) pp. 17—19.

B. Post verba *sperandi* (*expectandi*), *promittendi*, *minandi*, *jurandi* pp. 19—29.

1. Verba *sperandi* pp. 20—24. a) *ἐλπια*, b) *ἐλπομαι* (*ἐπιέλπομαι*) α) cum inf. futuri, β) cum inf. præsentis, γ) cum inf. perfecti, δ) cum inf. aoristi de præterito, ϵ) cum inf. aoristi de futuro; c) *ἐλπωρή*, d) *δέχομαι*, *δείδω*.

2. Verba *promittendi* pp. 24—27; a) *ἐπίσχομαι*, *κατανείω*, *ὑπέστην*, α) sine objecto, β) cum objecto, b) *εἵχομαι*, *γοννοῦμαι*, *ἀρῶμαι*, *στεῦται*, c) *νείω* (*ἀνανείω*, *ἀναινομαι*).

3. Verba *minandi* p. 27.

4. Verba *jurandi* pp. 27—29; a) cum infinitivo futuri, b) cum inf. præsentis et perfecti et aoristi de præterito usurpati, c) cum inf. aoristi de futuro.

Annotatio de I 230 p. 29.

Addendum p. 30.

